

Un persona deteni

Razzia na cas na Kamay a produci hopi droga y placa cash

• Unit Narcotica ta sigui gara grandinan



ORANJESTAD (AAN): E trabao di autoridadnan hudicial di Unit Narcotica di Cuerpo Policial di Aruba, ta sigui score grandemente. Basa riba nan experticio, nan intuicion, sosteni pa datonan, tips, y di oficialnan bakia den nan trabao, nan ta logra traha cautelosamente riba tur detaye, y ora cu nan ta yegando na partinan culminante, nan ta ricibi sosten di Ministerio Publico pa tene entrada hudicial.

Siman pasa a dicidi na uni diferente unidad di sosten, y den oranan di atardi nan a bay tene un razzia inespera na un cas den barrio di Kamay na Noord.

Tur nan trabao duro, y e investigacion conciso, a yuda cu nan a yega eynan y a canta “bingo” pa loke nan a topa cu ne.

Den e accion di sorpresa, a bin topa cu gran cantidad di placa cash, tanto na Florin y Dollars, y tambe monton di droga. Ta bisto cu e droga aki no ta pa uzo personal, sino pa distribucion y of actua eynan como centro di distribucion.

Aki a detene un homber adulto mayor tambe, esta un persona di 62 aña di edad naci na Aruba.

Nan a listra cada centimeter di e cas y pafo riba e tereno pa check kico mas por haya. Pa e razzia sorpresivo aki a haci uzo di diferente departamento di Cuerpo Policial, entre otro Flex Team, Polis uniforma, K-9 Unit, team forensico di BFTO pa documenta tur cos, y RRT.

Vocero di Polis a confirma na DIARIO, cu e razzia aki tabatin di haber cu bendemento di droga for di e cas mes.

Cuerpo Policial ta keda haci un suplica na comunidad cu sa algo of a wak algo pa yama e Tipline di Polis cu ta 111-41. Haciendo esaki, bo ta haci bo barrio bira mas safe, y corda cu Polis ta garantiza cu bo ta keda anonimo.

Eduard Pieters di fraccion di PPA:

Cuido di Nos Grandinan na Aruba aworaki ta den crisis

• Parlamento a vocifera cu awor ta ora pa ehecuta

Programa largo di Maart ya a cuminza Diadomingo

Hisamento di Bandera a marca comienzo oficial 40 aña Status Aparte y 50 aña Himno y Bandera



ORANJESTAD (AAN): Riba Diadomingo 1 di Maart 2026, cu un acto simbolico na spiral-rotonde di Aeropuerto Internacional Reina Beatrix, Aruba a marca oficialmente e comienso di periodo di celebracion historico: 40 aña di Status Aparte (1986–2026) y

50 aña di Himno y Bandera (1976–2026).

E celebracion nacional lo sigui durante e luna di maart cu diferente actividad cultural, educativo y conmemorativo, tur enfoca riba orguyo nacional, historia comparti y compromiso pa futuro.

Cu bandera hisa na aeropuerto, porta di entrada di nos pais, Aruba oficialmente a cuminsa un celebracion cu no solamente ta honra pasado, pero reafirma su determinacion pa sigui traha como un nacion cu identidad propio y responsabilidad comparti.

Programa largo di Maart ya a cuminza Diadomingo

Hisamento di Bandera a marca comienzo oficial 40 año Status Aparte y 50 año Himno y Bandera



ORANJESTAD (AAN):
Riba Diadomingo 1 di Maart
2026, cu un acto simbolico na
spiral-rotonde di Aeropuerto
Internacional Reina Beatrix,
Aruba a marca oficialmente
e comienso di periodo di
celebracion historico: 40 año
di Status Aparte (1986–2026)
y 50 año di Himno y Bandera
(1976–2026).

Luna di maart semper tin un
significado special pa Aruba.
Dia 18 di maart ta recorda e
entrega di e Mocion na Mesa
Rondo na Den Haag na 1948,
un momento decisivo den e
lucha pa mas autonomia. E
proceso aki a culmina cu e
realisacion di Status Aparte
riba 1 di januari 1986,
ora Aruba a bira un pais
autonomo dentro di Reino
Hulandes.

Den e marco aki, Prome
Minister di Aruba mr.
Mike Eman, acompaña
pa e Minister mas hoben
di Gabinete AVP-Futuro
Wendrick Cicilia, como
tambe 40 hoben/mucha, a
hisa en total 35 bandera,
simbolizando orguyo
nacional, continuidad den
generacion y e compromiso
cu futuro di Aruba.

**Di generacion pa
generacion:** Den su discurso,



Prome Minister Mike Eman
a enfatisa cu e celebracion
aki no ta solamente un
recordatorio di historia, pero
un momento di reflexion riba
e esencia di nos identidad
como pueblo.

“E derecho di un pueblo pa
determina su propio destino,
ta e logro mas grandi cu un
nacion por alcanza,” el a
declara. “E sentimiento aki
a brota for di inicio di siglo
pasa y a pasa di generacion
pa generacion.”

El a recorda e lidernan
visionario, cu a marca rumbo
di Aruba, Henny Eman, Shon
A. Eman, Betico Croes,
Juancho Yrausquin, desde
e prome gritonan pa mas
autonomia, te cu e lidernan
cu a culmina e proceso cu
Status Aparte. Segun Eman,
cada generacion a carga e
mesun deseo: cu Aruba por
tuma su mes decisionnan
tocante su futuro, su desaroyo
economico, su conexcion cu
mundo y su responsabilidad
social pa cuida e mas
vulnerabelnan.

**Hubentud como
simbolo di continuidad:**

Un elemento central di e
ceremonia tabata e presencia
di 40 hoben, representando
simbolicamente e 40 año di
Status Aparte. Segun Minister
President, esaki ta un señal
cla cu e siguiente generacion
ta prepara pa sigui carga e
vision di Aruba.

“Cada generacion a recoge
e sentimiento aki y a proyecta
esaki den su propio epoca, cu
mesun pasion y compromiso,”
el a expresa.

E celebracion nacional
lo sigui durante e luna di

maart cu diferente actividad
cultural, educativo y
conmemorativo, tur enfoca
riba orguyo nacional, historia
comparti y compromiso pa
futuro.


Cu bandera hisa na
aeropuerto, porta di entrada di
nos pais, Aruba oficialmente
a cuminsa un celebracion
cu no solamente ta honra
pasado, pero reafirma su
determinacion pa sigui traha
como un nacion cu identidad
propio y responsabilidad
comparti.



BANCO DI CARIBE ATM NOW AVAILABLE IN NOORD

A Banco di Caribe ATM is now available in Noord, conveniently
located outside NG's Supermarket in Kamay.

Quick, secure access to your cash - right where you need it.



Skill on your side



BANCO DI CARIBE

Eduard Pieters di fraccion di PPA:

Cuido di Nos Grandinan na Aruba aworaki ta den crisis

• Parlamento a vocifera cu awor ta ora pa ehecuta



ORANJESTAD (AAN): Parlamentario Eduard Pieters di fraccion PPA a presenta un mocion fuerte durante reunion publico di diahuebs tocante situacion di cuidu di adulto mayor na Aruba. E mocion tabata presenta cu argumento solido y a haya aprobacion tambe di henter cuerpo di Parlamento.

Esey kiermen cu Parlamento a manda un mensahe cla pa gobierno: situacion di cuidu di nos grandinan no ta sostenibel mas y mester accion structural inmediato. Awor responsabilidad ta na minister.

Un Rapport cu no por ignora: Base di e mocion tabata e rapport di Inspectie Volksgezondheid Aruba (IVA), titula “Als zorg levens kost”. “E rapport aki a muestra claramente e deficiencianan serio den e centronan di cuidu: caida, infeccion, negligencia y hasta consecuencia fatal.

Inspectoria a indica cu hopi incidente no ta casualidad, pero resultado di problema structural, manera: falta di personal, falta di experticio, gobernacion deficiente (“bad governance”) y maneho reactivo en bes di sistematico. Inspectoria mes a pidi un enfoque sistematico di maneho, no solamente intervencion, ora un problema presenta,”

Eduard a señala. Esaki no ta un simpel recomendacion, sino un alarma.

Presion riba sistema no ta sostenibel: Pa fraccion di PPA, e mocion aki ta reconoce cu presion riba e casnan di cuidu actualmente no ta sostenibel mas. Siguridad y dignidad di e cliente mas vulnerabel ta bou riesgo. P’esey e mocion aki no ta pidi mas estudio, sino ta pidi deadline concreto: (*) Den maximo 2 luna: finalisa y presenta un maneho nacional pa cuidu di adulto mayor na Parlamento.

(*) Den 3 luna: ehecuta e normanan di calidad pa garantisga seguridad den casnan di cuidu.

(*) Den 3 luna: presenta un plan di ehecucion cu meta, e actividadnan y e indicadornan midibel.

(*) Den prome presupuesto supletorio 2026: aloca e fondonan necesario pa ehecuta e plan.

Esaki no ta sugerencia, sino un mandato parlamentario.

Resultado real: Loke ta haci e mocion aki fuerte ta su enfasis riba implementacion. Segun Pieters: “No solamente vision, pero plan cu midimento. No solamente palabra, pero presupuesto. Durante aña, cuidu di adulto mayor a wordo discuti den termino di plan futuro, grupo di trabao y estudio adicional. Pero realidad ta cu; vergrijzing a sigui crece, lista di espera a sigui crece, presion financiero a aumenta y e famianan ta perde confianza”.

“E mocion ta reconoce cu un enfoque integral ta sumamente necesario: mehora calidad




den e casnan di cuidu y fortalece apoyo pa esunnan cu ta biba na cas. Vision tin balor, pero sin ehecucion, vision ta keda solamente riba papel,” Eduard a enfatisa.

Un test di responsabilidad politico: Awor cu a aproba e mocion unanimamente den Parlamento, e preguntanan crucial ta: (*) Minister Wyatt Ras lo respeta e deadline? (*) Lo tin e fondonan real aloca? (*) Lo bin cu un plan di ehecucion cu tin resultado midibel?

Cuido di adulto mayor ta toca tur famia na Aruba. No ta solamente algun cifra preocupante, ta nos mama, nos tata, nos wela, nos welo.

Finalmente parlamentario Pieters ta gradici su coleganan



parlamentario, cu a pone tur color politico un banda y a aproba e mocion aki cu ta pa bienestar di Aruba completo. Parlamento a papia cla: basta cu postpone decision. Fraccion PPA a tuma su responsabilidad. Awor ta momento pa ehecuta, pasobra nos grandinan mester y merece un cuidu cu ta proteha nan bida.

Posibel atake y hincamento pafo di Club Nocturno na Tanki Leendert



ORANJESTAD (AAN): Tabata Diadomingo marduga alrededor di 3:00 am, cu Central di Polis a manda patruyanan di Polis pa bay riba caminda di Pos Abao pa Kibaima, na altura di un club nocturno na Tanki Leendert. Esaki debi cu yamadanan a cumenza drenta cu tin un pelea grandi tumando lugar eyan.

E prome unidad di Polis cu a yega, a topa cu un grupo di persona, kendenan ta tiki razo ainda, y cu kizas nan tabata envolvi den e pelea.

Polis a cumenza check



rond, y un di e personanan presente tabatin un herida, den forma di un corta na su cara cu tabata sangrando. Ta bisto cu aki un hende lo a zwaai y dal e cu un boter. E agentenan a yega cerca di un auto compacto, esta Honda Fit y den dje a topa cu hende herida, unda ta papia di hincamento.

Un di esnan presente lo tabata tin corta na cara, esaki posiblemente door di tiramento di boter. Autoridad a ilumina e

persona cu flashlight y nota enberdad algo cu ta parce hinca.

No obstante esey, e personanan presente no tabata kier a coopera cu Polis, pa nan wordo yuda e ora. Aparentemente ambulance a wordo manda na e lugar pa controla esnan herida.

Tabata bisto si cu mayoria di esnan envolvi tabata muestra di ta bao influencia, y a keda basta hostina eyan.

Lider di RED Democrático

Ministerio Publico a detene Ricardo Croes pa menasanan haci online

- Tin di haber cu e caso Caret unda dos Polis a mata hoben di 19 aña
- Varios persona expresando disgusto pa e rekisitorio debil di Fiscal



Ricardo Croes

...

Ora cu Jansen a dal e referi cu un boter di plastic den su wowo y e la perde su wowo fiscal a pidi 6 aña di castigo.

Awo dos polis a asesina hende inocente OM tin curashi di pidi castigo condicional.

Bai limpi limpi den [REDACTED] 1000 biaha. F [REDACTED] boso tur lolonan den e pais [REDACTED] aki.

Cu Dios baha su castigo riba e pais aki y kima boso tur pa caba. Boso no merece pordon.

ORANJESTAD (AAN): E exigencia di Fiscal den e caso di tiramento fatal contra e hoben di 19 aña sin arma na Madiki Kavel cu a socede na Februari di aña pasa, a sacudi Aruba siman pasa. Esey ta

ora cu a bira conoci cu Ministerio Publico no a existi ningun castigo direct pa prison pa e dos oficialnan di Polis. Te na April ora cu dicta sentencia, lo haya sa si Hues lo cumpli cu e rekisitorio di Fis-

Errold Bishop lo huramenta diaranson awo como Minister Plenipotenciario di Curaçao na Hulanda



WILLEMSTAD: Errold Bishop a ser nombra oficialmente como Minister Plenipotenciario interino di Curaçao na Hulanda, despues di a completa un procedura di screening largo y riguroso y riba e aprobacion di e autoridadnan relevante. Su huramentacion ta programa pa diaranson 4 di maart 2026 pa 2or di atardi dilanti Gobernador señor Maurits de Kort den un ceremonia formal na Willemstad.

Bishop, cu un carera largo den servicio publico, ta asumi e rol cla pa representa y defende e interesnan di Curaçao den Consejo di Ministro di Reino. Un Minister Plenipotenciario ta fundamental pa mantene un presencia consistente di e pais na Hulanda.

cal of no.

Hopi comentario por a tende na djis na programan di pueblo na palabra na radio, sino tambe lesa riba Social Media. Pueblo a expresa nan disgusto cu loke hasta abogado a expresa como si fuera cu Fiscal a "trata e dos Polisnan sospechoso cu handschoen bisti".

Uni di esnan cu no a gusta nada at all pa loke Fiscal a existi pa castigo, ta e lider di Partido RED Democrático, esta abogado Ricardo Croes. Riba su account di social media, el a haci comparacion cu loke a socede algun tempo pasa riba veld di futbol di SV La Fama na September 2023. Esey ta ora cu coach di futbol no tabata di acuerdo cu fluitmento di referee, y pesey el a pasa man pa un boter di plastic y a dal e dirigente di wega cu ne na su wowo. E referee a perde un wowo debi na esaki.

Ora cu e coach a wordo presenta den Corte di Husticia pa e caso, na final Fiscal e tempo ey a existi 6 aña di castigo pa e coach. Pasobra e referee a perde un wowo.

Y aworaki dos Polis ta mata hende inocente, y e no ta compronde con Fiscal tin curashi di pidi castigo condicional pa e dos oficialnan hudicial.

Mensahe profundo:

Despues di esey el a manda par di palabranan di insulto, y hopi ciudadano ta opina cu loke Ricardo Croes a haci eynan, simplemente ta su derecho pa cu libertad di expresion. No sa si ta pa esey Ministerio Publico a lag'e

wordo deteni, of pa loke el a pidi pa Dios haci cu e isla.

Diabierna den oranan di anochi, Ricardo Croes por a ser mira saliendo cu mannan den boei for di warda di Recherche na Wayaca. Na e lugar e momento ey, por a mira e mayornan di Sr. Croes tambe presente pa duna sosten moral.

Ricardo Croes a wordo yama door di Recherche riba Diabierna, y eynan mes el a wordo deteni. Fuera di Croes tin dos persona mas di Aruba cu a wordo yama y ta deteni.

E motibo ta cu nan lo a vocifera fuertemente contra Fiscal su rekisitorio pa

e 2 agentenan policial cu a tira Ayden mata na Februari 2025. Croes a wordo transporta den un Van di CEA pa un warda di polis.

Partido RED yamada urgente: Mientras tanto, Partido RED a core haci un yamada pa un Conferencia di Prensa urgente cu lo tuma lugar awe Dialuna, 2 di Maart pa 9:00 am riba Plaza Alameda, cu ta e tereno net dilanti di Corte di Husticia na Playa.

Directiva di Partido a spli-ca, cu nan unico topico di e conferencia di prensa, lo ta e detencion di Ricardo Croes den fin di siman cu a pasa, y nan opinion al respecto.

A SER PERDI



Barbie ta perdi ainda

Chiquita a ser hanja y ta back na cas, danki na e famia cu a cuide, Cualquier persona cu por duna info di Barbie please contact 5926929

Maltrato mahos contra un dama den Italiestraat



ORANJESTAD (AAN): Tabata den oranan di atardi, cu Polis a ricibi yamada cu un maltrato di pareha a caba di sosode cerca di algun negoshi riba extension di Italiestraat cerca di Avenida Nelson



Oduber. Mesora unidad di Polis a ser manda na e adres, pa atende e caso lamentabel, unda cu un muhe a wordo maltrata door di su pareha. Polis a yega y nota cu e dama tin basta golpi na curpa, y pesey a solicita presencia di Ambulance.

Polis a bin haya sa, cu despues cu e dama a wordo maltrata, el a wordo cera pafo di e Apartamento unda e ta biba. A ser splica

na Polis, cu esaki no ta prome biaha cu e homber ta haci e tipo di cosnan aki. E biaha aki e homber a tende cu Polis ta bin, y e ora si e rabo a krul y el a core dreठा paden y cera su curpa den e Apartamento.

Polis a logra convenc'e pa e habri e porta bisand'e cu e pareha ta herida.

E homber a sali, y el a wordo deteni eyan mes ora cu el a habri e porta. Aki por mire ora cu ta

wardando yegada di e Van di Transporte di Cuerpo CEA, pa bay cu ne na Warda di Polis. Aki el a wordo hiba dilanti Fiscal Auxiliar, pa asina atend'e riba e maltrato severo aki.

Mientras tanto, Ambulance a yega y Paramediconan a atende cu e dama su heridananan. Manera semper, e dama tin e ultimo palabra si e ta para fuerte si e ta sigui of haci denuncia contra e homber.

INMEDIATAMENTE

- NOS TA BUSCANDO -

FULL TIME ALL AROUND HELPER & DELIVERY

ALL AROUND HELPER CU FORSA Y
MESTER TIN EXPERENCIA DEN
CARPINTERIA GENERAL

- * EPB TECHNIQ OF LTS TECHNIQ ✓
- * PERSONA MASCULINO ✓
- * LOCAL OF PERMISO CU PASPOORT VALIDO ✓
- * ENTRE 30 Y 50 AÑA DI EDAD ✓
- * DRIVER MESTER TIN RIJBEWIJS B + C VALIDO ✓
- * BON CONDICION FISICO ✓
- * PRUEBA DI BUENA CONDUCTA TA UN MUST ✓

APLICA Y
FORMA PARTI
DI NOS TEAM!



Pa mas informacion
CAS di MAX, Meiveld 3A-1
Pa aplica manda CV na email casdimax@gmail.com
- wzp na 699-5511 -

Orario: dialuna 2 - 6pm | diamars pa diabierna 9 - 1pm • 2 - 6pm | diasabra 9 - 5pm

Jessy Ras di Formacion Social (SVT):

Hobennan mucha homber, Arubiano y stranhero entre 17 te cu 25 año por inscribi pa e siguiente trayecto di Formacion Social

ORANJESTAD (AAN): Formacion Social (SVT -Sociaal Vormings Traject) ya pa 15 año ta duna hobennan un di dos oportunidad pa logra exito. Formacion Social ta un programa estructura pa transformacion di hubentud, dedica na guia hobennan entre 17 te 25 año pa un miho futuro. E programa ta diseña pa hobennan cu ta na un crusada di bida, sea nan a stop di bay di school, nan ta sin trabao of nan ta buscando direccion den bida, pa desaroya disciplina, confianza y responsabilidad. Alaves, e programa ta

yuda e hobennan crea caminda pa drenta e mercado laboral of continua cu nan estudio.

Señora Jessy Ras di SVT, den un entrevista cu DIARIO a duna di conoce cu inscripcion pa e siguiente trayecto di SVT ta habri y ta invita hobennan mucha homber cu ta identifica nan mes cu e estructura y beneficianan di e programa aki, pa inscribi pa asina pasaden e proceso di seleccion pa asina e siguiente trayecto cuminsa dia 17 di augustus proximo.

El a agrega cu no tin

un trayecto pa hoben mucha muhe actualmente pa motibo cu no a haya suficiente mucha muhe cu a inscribi pa cuminsa cu un grupo. Pero pa otro año ta proyecta pa cuminsa cu un trayecto sperando cu lo tin suficiente hoben femenino motiva pa haci e trayecto.

Señora Ras a indica cu pa inscribi pa e trayecto, mester cumpli cu algun requisito. E hoben mester ta entre 17 pa 25 año y mester tin pasport Hulandes. Hobennan di otro nacionalidad mester tin tambe permiso valido y ta recomenda cu nan ta comprende



Papiamento. Den e fase di seleccion, lo pasa den test medico, test di deporte, y tambe lo mester pasa den un seccion di combersacion cu trahadornan social. Oficina di SVT ta situa na

Mariniers Kazerna na Savaneta. Por tuma contacto via telefoon 522-5352, WhatsApp 564-5339, email info.formacion-social@gmail.com y Facebook.

Pa profesionalnan local

Diahuebs y diabierna tin seminario di informe psiquiatrico y psicologico y acceso pa cuido forensico



ORANJESTAD (AAN): Diahuebs y diabierna awor, esta 5 y 6 di Maart 2026 lo tuma lugar na Universidad di Aruba, un seminario encuanto informenan psiquiatrico y psicologico y acceso na cuido forensico den Caribe.

Profesionalnan for di rond Caribe lo bin pa participa den e seminario cu ta profundisa riba psiquiatria, psicologia, derecho penal, y criminologia. DIARIO a comprende cu e

seminario aki lo centraliza riba temanan clave di investigacion forensico di e comportamiento y cuido psiquiatrico forensico cu e meta di mantene bo up-to-date tur profesionalnan di Caribe cu ta forma parti di Reino Hulandes, y optimaliza e informenan Pro Justitia y e cuido forense.

Basando riba e seminarionan exitosoten na Aruba na comienso di 2025, tambe na Curaçao

y na Bonaire, awor e edicion aki di 2026 ta sigui cu e colaboracion entre e cuatro paisnan den Caribe Hulandes.

Eseminario aki ta special pa Huesnan, Fiscal, Abogadonan, oficialnan di libertad condicional, expertonan forense, docter, personal di Corte, personal di Prizon, profesionalnan di salud mental, trahadornan social cu ta atende hoben- y adultonan, docentenan, y Polisnan di Aruba, Curaçao, Bonaire, Suriname, y otro lugarnan. Den e seminario lo bay haci evaluacion hudicial di e trastornonan mental y e riesgo di esaki. Tambe e responsabilidad penal y dunamento di cuenta. Violencia den relacionnan di dependencia, y violencia domestico fatal.

Tambe lo reconoce e

señalnan di alerta pa cu violencia, maneho di agresividad y defensa personal (via workshop). Tambe riba e rol di cultura den Caribe, cu bilinguismo, religion, musica y baile. Tambe lo presenta algun caso di practica forense.

Esnan cu kier participa tin di inscribi online na e

website aki:

www.bit.ly/semicuido

Oradornan lo ta expertonan lider di Caribe y Holanda, representando Universidadnan, Corte, Scolnan di Polis, y practica forense. Lo bay tin un costo pa bo participa na esaki. Inscribi prome cu cupo yena.

MAESTRO BENJAMIN

MAESTRO BENJAMIN, UN MAESTRO CU DI BERDAD TA PARA SUFRIMIENTO.

Bishit'e abo mes! Maestro Benjamin ta sigui y caba cu e trabao cu otro a cuminsa na otro lugar.

- E ta kita bruheria, hechizos, daños y tambe e ta dera maldicion y salamientos.
- E ta cura y sana tur tipo di enfermedad manera artrosis, alzheimer, demencia, depression, diabetico, hipotiroidismo, osteoporosis, parkinson, insomnia y hopi malesa mas.

Abo mi amigo stima, cu ta sufriendo di bo prostaat of impotencia sexual, Maestro Benjamin tin e tratamiento pabo cu lo curabo den un tempo cortico.

"Mi ta cura problema di addiction di droga y alcohol y mi ta recupera bo ser keru sin importa tempo of e distancia."

No sufri mas den silencio pa tur problema tin un solucion y pa tur enfermedad tin un sanacion. Trabao ta 100% garantisa y den un poco tempo.

Yama awe mes of manda un WhatsApp na 641-4186 pa traha bo afspraak.

CEL/ 641-4186

CAft ta mira codigo nobo di conducta pa Aruba uno beneficioso

CAft ta OK pa Gobierno fortalece control riba participacionnan gubernamental



ORANJESTAD (AAN): Colegio di supervision financiero di Aruba (CAft) ta considera cu e intencion di Aruba pa bira e prome

pais den parti caribense di Reino cu ta introduci politica cla pa beneficia manehodiparticionnan gubernamental y dividendonan, ta positivo.

E politica aki, hunto cu un codigo di conducta nobo pa bongobernacion (corporate governance code) por yuda Aruba pa reconoce riesgonan financiero cerca companianan estatal den un fase mas tempran, y pa saca mas resultado y rendimiento social di e companianan aki. Considerando

experencianan anterior, den e marco aki CAft ta enfatisa e necesidad pa efectivamente implementa e politica aki, y aplica esaki den practica.

Politica di participacionnan: Companianan den cual gobierno tin participacion, ta importante pa e pais, pero nan ta trece riesgonan financiero tambe. CAft a presencia varios ehemplo di esaki. Cerca Aruba Wastewater Sustainable Solutions (AWSS) tabata tin intencion pa contrata prestamonan innecesariamente caro, cerca Utilities a emplea dividendonan sin aprobacion di e accionista y e financiamiento y destaho di algun proyecto grandi cerca Refineria di Aruba (RdA) a tuma luga cu condicionnan desfavorabel.

Den caso di e prestamonan cerca AWSS, a interveni na tempo, entre otro riba consejo di CAft. P'esey ta importante pa distribui e rolnan adecuadamente; Minister di Finanza ta fungi como propietario na nomber di Gobierno, e sobra Ministernan ta duna encargo, y e companianan ta checuta esakinan. Di e manera aki ta laga cla ken ta responsabel pa kico.

Segun CAft, Aruba ta den proceso di implementa politica pa e participacionnan aki, cu reglanan pa pagonan di dividendo. Banda di esaki, ta traha riba un ley pa bon gobernacion pa medio di e Ordenanza Nacional Corporate Governance. E marconan aki ta un base fuerte pa miho maneho di companianan estatal, con tal cu ta implementa esakinan, y ta cumpli cu nan consistentemente.

Banda di atencion

pa participacionnan gubernamental, CAft ta bolbe pidi atencion specifico pa e situacion di Dr. Horacio Oduber Hospital Aruba (HoH), pasobra e gastonan corespondiente na esaki ta carga pa Gobierno, mientras Gobierno no por interveni como propietario ni accionista. Aki tin riesgonan financiero considerabel y CAft ta urgi Gobierno pa yega na un solucion cu hospital y e propietario.

Ley di RHOFA: Encuanto e proyecto di Ley di Reino Finanza Gubernamental Sostenibel Aruba (RHOFA), segun CAft, cu RHOFA, Aruba ta enfrente un eleccion importante. RHOFA y e ordenanza nacional corespondiente ta ofrece un marco di referencia pa supervision financiero, y nan ta genera beneficiacion di interes pa Aruba.

Cu RHOFA, por refinancia prestamonan contrata den exterior mas barata cerca Hulanda y Aruba por registra pa prestamonan nobo cerca Hulanda pa financia inversionnan. Esaki por duna Aruba un beneficio di interes cu

ta ascende te AWG 60 miyon pa aña. Esaki ta mas cu AWG 500 pa cada Arubiano.

Maneho financiero: CAft ta aprecia e progreso cu Aruba ta haci respecto di resolucion di e retrasonan den e cuentanan anual. Algemene Rekenkamer Aruba a ricibi tur cuenta anual te cu 2024. E informenan tocante di e implementacion di maneho tambe a keda actualisa. Awor cu a resolve e retraso, mester cuminsa traha pa aumenta e calidad di e informenan. Aki Aruba ta enfrente retonan considerabel.

Riba 26 y 27 di februari, CAft a bishita Aruba. Durante e bishita aki, CAft a papia cu Gobernador, Ministernan di Finanza, Asuntonan Economico, Husticia, Integracion y Transporte Publico, cu Consejo di Ministro, Parlamento di Aruba, Algemene Rekenkamer Aruba y companianan manera Utilities y Refineria di Aruba.

Riba e potret por mira Hans Hoogervorst, kende ta president nobo di CAft. E potret pa cortesia di Nathan Roosberg.

Adulto mayor a cay riba acera y herida su mes na cara



ORANJESTAD (AAN): Central di Polis a ricibi yamada Diamars anochi, indicando cu den Celsiusstraatna Companashi un homber adulto mayor ta herida, y e ta momento ey sinta abao riba acera dilanti cura di un cas.

Polis di Playa mesora a mobilisa pa e adres, y na nan yegada a topa cu e homber di edad avanza, y su cara

tabata tur na sanger.

E agentenan a bay papia cu e homber pa trata na saca afo kico por a pasa cu ne, pero e homber kizas ainda zonza door di e golpi, no por a duna mucho informacion. Polis ta sospecha cu e homber tabata tiki bebi, y el a cay sea riba acera of riba caminda di asfalt, y dal duro na su cara y haya herida.

Polis a pidi pa presencia di Ambulance na e lugar. Paramediconan a yega y check tur señal vital di e persona, y a cuminsa duna prome auxilio cu e heridanan cu tabata sangrando. Nan a haya cu ta mas safe pa bay cu ne Hospital, unda lo haci mas test pa check si e lo por a fractura algo, of cu ta un problema scondi di salud lo a pon'e perde balans y cay.




TA SOLICITA PA TRABOU

Part-Time Cashier

Aplica Personalmente Na
Seroe Blanco
Service Station
DeLasallestraat 89

Accident Diadomingo na Tanki Flip

Auto a dal peaton crusando caya den marduga



ORANJESTAD (AAN): Banda di 3'or y pico di Diadomingo marduga, Central di Polis a ricibi notificacion cu auto a dal un hende e momento ey.

E informe ta indica cu riba e caminda di Ponton pa Noord, un poco panort di rotonde di Tanki Flip, un auto a dal un peaton masculino.

Esnan cu a yama Polis a splica cu nan ta testigo con un auto a dal e peaton crusando caya, y el a keda eybao benta. Nan a stop y pa evita mas tragedia, nan a lastra e homber for di riba asphalt y a pone na banda riba acera, y warda asina riba Polis y Ambulance.

Mesora patruya di Polis a ser manda, y a pone Centro di Alarma na altura pa dirigi Ambulance.

E prome unidad di Polis a yega y topa cu e peaton

masculino abao riba acera, y e ta herida. Esnan eynan a splica agentenan, cu e peaton a bay cruza e caminda y net na e momento ey tabatin un auto sedan Kia Cerato direccion panort y cu velocidad halto. E auto mes a logra brake y stop un poco mas panort unda e accident a sosode.

Ambulance a yega y mesora Paramediconan a haci un triage pa mira kico urgente tin riba e pashent, y a nota cu posiblemente el a sufri di un fractura complica na su pia. Mientras tanto, Polis a pidi pa Especialista di Trafico yega, y tambe team forensico di BFTO pa documenta e accident y tuma midimento.

Paramediconan a estabiliza e pashent, a pone spalk na su pia, y asina a pone den brancard y a sali rumbo cu ne pa Servicio di Emergencia na Hospital.

#Articulo di Siman

Yuda bo yiu regula su emocionnan!

Presenta pa:
Fundacion Pa Nos Muchanan

Emocion grandi den un curpa chikito por ta dificil pa compronde y mas dificil ainda pa controla!

Regulacion di emocionnan ta algo hopi importante pa e desaroyo di e mucha, muchannan no ta nace cu e habilidad aki,

esaki ta wordo siña poco poco cu guia di nan mayornan y hendenan rond di e mucha.

Siñando con pa regula bo emocionnan nota un proceso facil.

Segun Pamela Cole, un psicologo na Penn State University, esaki ta rekeri atencion, planificacion, desaroyo di idioma y desaroyo cognitivo.

Regulacion propio ta e habilidad di regula bo emocionnan y comportacion den situacionnan na unda cu bo tin emocion nan grandi cu por stimula un reaccion y sentimiento negativo, regulando esakinan kiermen cu bo lo por calma bo mes ora cu bo rabia, bo por ahusta bo mes ora tin cambionan den bo expectativanan y alavez con pa maneha bo frustracion sin haya un explosion emocional.

Awo bo por ta puntra, con nos por yuda nos yunan regula nan emocion nan?

Abo como mayor tin e trabao importante di pone un palabra na e emocion cu bo yiu ta sintiendo. Den e prome aña di bida di e mucha e unico manera cu nan sa con pa muestra emocion ta door di yora. Ora e mucha bira mas grandi ta importante pa e cuminsa compronde locual e ta sinti. Por ehempel; si bo yiu(nan) ta rabia pasobra e no por haya ijscream, bo ta bise "mi ta compronde cu bo ta rabia pasobra bo no por haya ijscream pero bo no a come bo cuminda ainda." Door di haci esaki e mucha lo compronde cu e emocion cu e ta sintiendo ta rabia. Bisando cu bo ta compronde den un



tono suave, bo ta laga bo yiu(nan) sa cu su sentimentonan ta valido y cu ta okay pa sinti asina.

Pero, siña haci esaki cu bo emocionnan propio tambe! Papiando di bo sentimiento nan como mayor por ta dificil, pero e ta completamente okay pa bo yiu(nan) sa cu



abo tambe tin emocionnan. En realidad, papiando di bo emocionnan cu bo yiu(nan) sin pone nan sinti responsabel pa esaki ta un di e mihor manera nan pa siña bo yiu(nan) empatia, pa modela comportacion emocional y pa yuda bo yiu(nan) pone limitacion entre nan mes y otro hende.

Pa abo como mayor por siña bo yiu e habilidad di regula su emocionnan, abo mes como mayor mester practica e habilidad aki tambe. Por ehempel, e siguiente biaha cu bo ta sintibo frustra of rabia, specialmente den presencia di bo yiu(nan)- practica regulando bo emocionnan door di para keto unrato, hala rosea grandi y bisa palabranan cariñoso na bo mes, por ehempel "esaki ta sinti dificil, paso e ta dificil, no paso ami ta haciendo e fout."

Pa finalisa, maske ta bon pa bo yiu(nan) sa con pa regula nan emocionnan, ta normal ora nan tin dificultad pa haci esaki. Esaki ta realidad y un bon seña di un mucha su desaroyo. Ta importante pa reconoce cu pa abo yuda bo yiu bo mester cuminsa na bo mes. Y corda tambe cu bo no ta bo so den esaki. Ta un mayor ta e trabao di mas duro riba e mundo aki, pero e ta bira un tiki mas facil ora cu un yuda otro. Manera hopi hende sa bisa: "it takes a village."

Pa informacion of pregunta por acerca Fundacion Pa Nos Muchanan -Cumana 2
Telefon: 583-4247/588-0856 -
WhatsApp: 699-8900
E-mail: info@fpmn.aw



Fuentenan:
www.apa.org/topics/parenting/emotion-regulation
www.goodinside.com/blog/how-to-help-your-child-regulate-their-emotions/

Unidad di cacho ta di vital importancia pa siguridad di Prison KIA

ORANJESTAD (AAN): Den fin di siman, Minister Dowers a reuni cu personal di BOT-K9, e unidad di cacho encarga cu siguridad den KIA.

Mirando e falta di atencion na e personal durante e ultimo gobierno, Minister di Husticia Arthur Dowers a haya necesario pa sinta na mesa y scucha e preocupacionnan di e empleadonan di e organizacion cu defacto e mandatario di husticia mes a funda na final di 2011.

Durante e reunion, e personal a expresa cu tin falta



di autonan di trabao pa por haci nan trabao diario efectivamente. Sin e recursonan logistico necesario, e capacidad operacional di e unidad ta keda limita, algo cu ta afecta directamente e nivel di siguridad.

Ademas, tin necesidad pa mas cacho di K9 nobo. Actualmente e unidad di BOT-K9 ta opera cu 9 cacho specialisa di K-9, pero tin necesidad pa mas. Algun di e cachonan den funcion ta yegando nan edad di pensioen y pronto lo sali for di servicio. Un planificacion structural pa reemplazo ta esencial pa mantene continuidad y efectividad den e unidad.

E miembronan di BOT-K9 tambe a comparti otro reto nan relaciona cu nan trabao

diario, incluyendo gastonan adicional di mantencion pa cada cacho. Cuido, entrenamiento y bienestar di e cachonan aki ta un responsabilidad serio y un inversion directo den siguridad.

BOT-K9 ta consisti di un grupo dinamico y motiva di agente cu ta dedica na nan trabao. Nan trabao ta di vital importancia pa mantene siguridad den KIA y proteha tanto personal cu ta traha den KIA mes, pero tambe e bishitante.

Pa Minister Dowers, e tabata un momento importante pa sinta cu e grupo di BOT-K9 y a indica cu su ekipo lo studia e puntonan presenta y lo tuma accion pa fortifica e unidad di manera sostenibel.

Na rotonde di WVB Boulevard na Bushiri

Accident serio a laga biker di Harley Davidson seriamente herida

ORANJESTAD (AAN): Diadomingo marduga, Central di Polis a ricibi yamada cu tin un accident fuerte riba rotonde di WVB Boulevard na Bushiri, y cu tin un motorcycle involvi.

Patruxa di Playa a yega den un rato, y aki a bin topa cu un bike di Harley Davidson basta grandi benta abao. Na suela ey cerca a bin haya e motociclista, cu tabata seriamente herida.

Mesora a pidi pa presencia di Ambulance cu maximo urgencia.

Polis a cuminsa check pa rastro, y abao a mira un rastro basta largo di brake. Esey kizas por indica cu na momento cu e motociclista kier a reacciona, ya tabata laat y a dal cu hopi forza contra e beton cu ta rond di e estructura di e rotonde.

Ambulance a yega cu urgencia, y mesora Paramed-

iconan a baha check señalnan vital, y a dicidi cu ta miho pa bay cu ne mesora pa Hospital.

Cu diligencia y cautela, a lanta e victima cu yudansa di brancard, pa asina sali direccion Hospital cu ne. Central di Polis na su turno a percura pa e Departamentonan concerni a ser poni na altura di e sucedido serio aki.



E agencia online di viahe mas grandi di Latino America

Despegar a premia Aruba como e destinacion lider den Latino America

ORANJESTAD (AAN): Cu e palabranan “El destino con mayor crecimiento en ventas en Latino America. Y este reconocimiento es para Aruba”, asina a anuncia siman pasa riba escenario durante un evento organiza pa Grupo Despegar na Cumbia House na Bogota, Colombia.

Ronella Croes, CEO di Aruba Tourism Authority acompaña pa Jordan Schlipken-Croes, director di A.T.A. Latino America, a acepta e premio aki den number di e entidad cu tin como meta pa promove y desaroya turismo riba nos isla.

E reconocimiento tabata un combinacion di relacion comercial cu e partnernan principal di grupo Despegar cu ta inclui marcanan renombra manera Viajes Falabella, HotelDo, entre otronan. E evento a reuni e instancianan di biahe cu a traha cu e grupo na nivel di Latino America, mas di 7.000 agencia, como tambe e cadenan hotelero principal di Colombia y e otro mercadonan strategico maneha for di Colombia, manera Peru, Ecuador y Argentina. En general, a conta cu e hotelnan y e aliadonan di mas importante conecta na e red comercial di e grupo den e region.



Durante e evento a realisa un premiacion breve, caminda a entrega aproximadamente 10 reconocimiento na e parternan cu mas a destaca, entre nan 2 destinacion, hotelnan y e top agencianan. E tabata un espacio enfoca riba fortalecimiento di relacionnan comercial cu e aliadonan principal.

Siman di ANATO: Despe-

gar ta hunga un rol esencial y ta participa den grandi na e conferencia “Vitrina Turistica” di e Asociacion Colombiana de Agencias de Viajes y Turismo – ANATO. E aña aki ANATO a tuma lugha for di 25 te cu 27 di februari na Bogota cu e tema “Colombia abierta al mundo” y a conta cu mas di 1.600 exposicion y un publico



di alrededor di 10 mil participante pa dia.

“Aruba Ariba”: E sorpresa aki a cay den masha bon tera cerca Ronella Croes. E CEO di A.T.A. a gradici tur cu a traha duro pa Aruba por a sobresali y pa prome biaha den historia ta logra un semehante reconocimiento. El a referi na e ekipo di A.T.A. Latino America pero tambe e oficina principal di A.T.A. na Aruba, sin lubida tur partner cu a reconoce cu ora traha hunto ta logra cosnan grandi. Ronella Croes a subraya cu number di Aruba a resalta banda di un pais manera Panama, considera un “hub turistico” importante pa Latino America. Y nos, Aruba...un isla chikito den Caribe, ta resulta esun cu a crece mas y como tal ta regresa cas cu e premio prin-

cipal.

“Pa pone un poco mas den contexto, Despegar ta representa no menos di 22% di tur pasahero cu ta yega Aruba desde Latino America, pue ta un socio masha importante cu a presenta un premio hopi prestigioso na nos, esta pais lider pa nan pa e region completo di Latino America”, tabata palabranan di Ronella Croes.

Hopi orguyo: E palabra cu mas a resalta den e prome reaccion di Jordan Schlipken-Croes, director di A.T.A. Latino America tabata “orguyoso”.

“Pasobra ta haci un trabao cu e intencion pa logra nos obhetivonan, pero nunca bo ta spera di ricibi un reconocimiento.

Awo ricibi un reconocimiento semper ta special, pero ora ricibi un reconocimiento di un compania cu tin un balor di dos bion di Dollar Mericano, un compania cu ta e mas grandi den Latino America, realmente ta un honor hopi grandi pa Aruba”. Jordan Schlipken-Croes a termina sigurando cu esaki, atrobe, ta un momento di orguyo pa henter e ekipo di A.T.A. y pa Aruba henter!

Chauffeur deteni pa buracheria despues di accident na Playa

ORANJESTAD (AAN): Diasabra marduga polis a bay un biaha mas na e crusada conoci den Playa, esta Rudolf Arendsstraat cu Emmastraat pa un accident di trafico.

Tabata trata di un accidente basta fuerte, unda cu dunamento di preferencia tabata e causa. E prome unidad di Polis cu a yega, a bin nota cu e accident ta entre un Toyota Yaris cu number A-63991, y

un Suzuki Swift cu number A-62606.

Agentenan a saca afo cu e Toyota Yaris coriendo riba Rudolf Arendsstraat no a stop, y el a subi e crusada y aki e chauffeur di Suzuki Swift a haye sorprendi cu e auto su dilanti, y a dal den dje.

Ora cu Polis tabata papia cu e chauffeur masculino di e Toyota Yaris, e tabata musta caracteristica di ta bao in-

fluencia. Esey ta debi na su wowo basta cora, e ta papia cu un lenga pisa, y no por a para drechi riba su pianan. Nan a pidi su cooperacion pa haci test di supla, y el a bay di acuerdo.


Na momento di test, e aparato di Alco Sensor a detecta cu e cantidad di $\mu\text{g/l}$ di alcohol den su pulmon ta sobrepasa e limite legal pa Aruba. Esey automaticamente a pone cu




nan a pone boei na su man, y el a wordo aresta. A manda busca vehiculo di transporte, cu a bay cu ne Warda di Polis unda el a ser presenta dilanti Fiscal Auxiliar.

Ambos auto a sufri hopi daño y tabata tin mester di takelwagen pa move nan pa laga caminda bek liber. No tabatin ningun herido den e accident aki.

Mariniers Hulandes a bay haci training den planta di electricidad na St. Maarten



PHILIPSBURG : hunto cu e compania di genera electricidad na e Recientemente e awa y electricidad NV isla. destacamento di Korps GEBE, a haci un training Durante e training aki, Mariniers na St. Maarten, realistico na e planta di e mariniernan a haci



**BUY 1 MEDIUM
AND 1 LARGE
BBQ CHICKEN
—OR—
2 TOPPINGS
PIZZAS
FOR
45⁰⁰
AWG
ONLY**

Excluding Delivery Charge

STA CRUZ 585 0333 PALM BEACH 586 0333 PARADERA 582 0333 SAVANETA 584 0444 BOULEVARD 583 0333

ORDER AT
DOMINOSARUBA.COM



entrenamento intensivo den maniobranan di combate curpa pa curpa. Ta trata di procedimentonan fiho pa actua den lugarnan chikito y cera, manera edificionan y instalacionnan tecnico. Aki ta fundamental e tumamento rapido di decision, comunicacion claro, y cobertura mutuo.

Hunto custakeholdernan local, y partnernan di siguridad, a pone enfasis

riba cooperacion y coordinacion durante e training aki tur rond di e planta di e compania NV GEBE.

A ser splica, cu e tipo di training aki ta reforza e preparacion operativo di e destacamento di Mariniers pa proteccion di Caribe Hulandes. Na mesun momento, nan ta profundiza e cooperacion cu socionan local. Door di train hunto, nan ta bira mas fuerte hunto.

Parlamentario Fraccion di
AVP, Jennifer Arends-Reyes:
**Cada pais den Reino
mester percursa
pa ehecucion di e
informacionnan ricibi
den IPKO 2026**



ORANJESTAD (AAN):
Despues di un exitoso Ipko
2026, Jennifer Arends-Reyes,
Presidente di Comision di
Asuntonan di Reino y Rela-
cionnan Exterior di Parlamento
di Aruba, a enfatisa cu awo ta
keda na cada pais pa atende cu
ehecucion di e informacion cu
a ricibi durante e reunionnan di
Ipko.

El a indica cu durante Ipko
2026, Parlamentonan di pais-
nan den Reino a duna informa-
cionnan y a intercambia pen-
samento y opinionnan. Pero e
trabao mes, ta keda na Parla-
mentonan di cada pais den Re-
ino pa atende cu su ehecucion
segun prioridad y vision di cada
pais, teniendo cuenta cu cada
pais ta diferente.

E Parlamentario a indica cu
cada tema cu a keda presenta
den e reunionnan di Ipko, tin
representacion den ministerio-
nan y comisionnan den Parla-
mento indicando cu hopi rap-
port riba e temanan aki ta existi
caba. "Awor aki, nos mester
bay riba ehecucion di e teman-
an aki. Cada ministerio mester
percursa pa e plan di ehecucion.
Y Parlamento mester controla
con esaki ta bayendo.

Parlamentario Arends-Reyes
a duna di conoce cu proyecto-
nan cu a wordo laga atras di
otro gobierno, cu por wordo
implementa di biaha, ta wordo
analisa y por wordo implemen-
ta di biaha. Y hopi biaha ta de-
pende tanto riba e costo mara
na esakinan y sigur tambe na e
vision y e prioridad cu e gobi-
erno nobo tin.

El a indica cu Parlamento ta
sigui traha riba diferente tema
cu ya tin, entre otro seguridad,
trafico, finanzas. El a menciona
cu tin diferente presupuesto na
caminda pa Parlamento. Tam-
be ta wardando riba diferente
conseho di Raad van State riba
entre otro geschillenregeling y
Hofa.

"Cada pais ta diferente. Sea
ta ley, cambianan, amiendan-
an, cada pais apart mester traha
riba loke a wordo presenta den
Ipko cu ta na prioridad y segun
vision di nos mesun paisnan
den Reino", Parlamentario Ar-
ends-Reyes a duna di conoce.



Skina di Ruthy



Sabiduria den nos alegria!

Skirbi pa Ruthy "Lady Ruth" Vrieswijk-Bergen

Bon dia yen di alegria! Spera cu e dia a habri boso bon cu bon salud, alegria y sabiduria. Nos ta relata awe un crenchi di varios tema. Nos a bay canta karaoke cerca Hilda den 'Stars' na King Plaza y a topa cu un grupo di turista di Michigan. USA, di cual un pareha entre nan ta biniendo Aruba ya pa 20 aña caba!



Nan tur ta loco cu nos dushi isla, pero e pareha tambe ta nota e cambianan cu no ta tur na Aruba su favor. Entre otro e cantidad di auto cu ta core riba nos isla ta demasiado hopi pa un isla asina chikito. Un di e señoreanan ta un super bon cantante y a deleita nos cu su bunita canto "uit volle borst" manera e dicho hulandes ta bisa.

Mi tia Veny Tromp tambe a laga su bunita bos resona y toca e cura-
sionnan presente. Verna Beaujon y
mi persona a canta algun bunita
cancion ranchera mariachi den duo y

tambe como solista. Lady Ruth a canta su repertorio di su canticanan oldies na ingles y a peticion di nos tur, Hilda tambe a canta un super nice cantica na ingles, ki bunita Hilda ta canta! Nos a pasa super nice den un dushi ambiente.

Un super dushi ambiente tabata reina tambe den e studionan di radio Hit
94.1 FM dia 13 di februari ultimo cu nan dobbel celebracion. Nan a recorda e fecha natal di e fundador doño propietario

John Alex Habibe, 11 februari, (awe dfm), conoci como Johnny Habibe 'The Anchorman' cu su bos inigualabel na radio pa hopi aña largo. Lamentablemente Johnny tambe a bay nos dilanti den e reino celestial no mucho tempo atras y awor ta inspira for di ariba su tres prinsesnan Davina, Zina y Zia pa sigui maneha y supervisa e operacion den radio difusion di Hit 94 FM cu e.o. bon programacion di Junior Dorthal cu Fiesta 94, Brian Urquiza e tecnico pa e programa di diasabra mainta 'Cita cu Morgan y Stanley', 'Deporte 94' y 'Flashback' cu Ulysis Maduro, nos bisña antes den Dakota tur dia. E atardi bunita aki, e simpatico y beautiful Inge Dijkhoff a presenta un programa special dedica na su Omo Johnny Habibe (dfm). A para keto un rato riba Dia Mundial di Radio (Unesco) 13 di februari, pa recorda Johnny Habibe The Anchorman su fecha natal 11 Februari y tambe e 33 aniversario, (Den aire for di 15 februari 1993) di e emiso-



ra Hit 94.1 FM cu dushi bolo, refresco y mas dushi hapjes. Hopi di nos lectornan por corda tambe cu Lady Ruth tabata hopi biaha den e noticieronan cerca Johnny cu semper cu radio y curason habri pa nos informacionnan riba tereno social cultural.

Davina, e prinses director actualmente di Hit 94 tin e mesun carisma cu su kerido tata y tambe ta sigui invita Lady Ruth pa bin cu nos informacionnan, pero nos ta un crenchi ocupa ultima-
mente, pero pronto nos lo cuminsa of sigui bishita Hit 94 pa nos informacionnan positivo cu

ta inspira tur rond di nos. Ta hopi dushi ora cu, como pensionado tin varios actividadnan social cultural cu por atende. Nos ta spera di por atende na e actividadnan bunita, organiza den cuadro di Dia Internacional di Hende Muhe 2026 aki aya y aporta cu amor cu un of mas poema di y pa hende muhe. For di awe caba nos pabien na nos tur cu e dia bunita aki. Nos por reflexiona riba nos amor y poder cu nos tin como Hende Muhe, na bienestar di nos mes y na henter nos comunidad sin abusa di nos poder, pero use na bien-
estar, siña para y mehora bida di y pa muchanan muhe y muhenan cu ta wordo abusa den un of otro forma.



Por scucha na e symposium organiza pa
Soroptomist International Club Aruba, specialmente
pa Dia Internacional di Hende Muhe cu lo wordo celebra Diasabra awor 7 di
Maart di 10 am pa 2 pm na Educampus (edificio ex-Bon Bini Bazar den caya
grandi) temanan di gran importancia pa nos tur e.o comprende e diferente
traumanan cu por pasa. Oradornan lo ta Clementia Eugene, Sueli Kelly-
Quandt y Geraldine Lacle. Pa reserva bo lugar por yama libremente presi-
dente di SICA sra Magaly Maduro na 561-9100, entrada ta gratis. Un sonrisa!

Yama pasobra cuponan ta limita. Lo tin varios standnan cu bunita cositanan na benta y mas.

E aña aki CBPP (Centro di Barrio Playa Pabao) lo tin su dushi y caluroso celebracion pa cu Dia di Hende Muhe cu charla interesante riba diabierna dia 6 di Maart cu e dinamico y simpatico profesional den prensa señora Maritsa Maduro. Bin scucha kico ta kico ora di publica noticia pakico si y pakico no. Kico ta libertad di prensa etc. Lo tin tambe canto, poesia, un dushi treat y mas! Nos a comprende cu sede di MEP ta sold-out caba cu su charla dedica na salud y bienestar di hende muhe pa Diadomingo dia 8 di maart mes. Lady Ruth su conseho y peticion di curason: Muhenan fuerte, balente, pero bunita yen di amor y ternura pa bo mes y pa comunidad, treat bo mes algo leuk y haci algo leuk e dia aki. Manera Lady Ruth ta gusta haci "From me to me" Awor, wardando pa Jardin Caribe entrega e bunita arreglo di flor cu nos mes a bestel pa dorna mi 8 di Maart. No sinta warda riba otro mande pabo, nan ta lubida. Abo stima bo mes y pone bo mes na prome lugar despues di Tata Dios. Pabien tur hende muhe cu nos dia! Boluntario, profesional, ama di cas, etc., wak pa boso briya e dia aki, mas cu nunca! Nos a wordo escogi pa bira Mama! Ta nos ta muhe!

Un fin di siman bendiciona nos dilanti cu celebracionnan pa cu Dia Internacional di Hende Muhe. Danki pa lesa nos relato y pasa un dushi dia yen di sabiduria den nos alegria! Un "bearhug"!



Parlamentario Eduard Pieters (PPA):

Cura Cabay ta un mezcla di cultura, contaminacion y negligencia



ORANJESTAD (AAN): Parlamentario Eduard Pieters a bishita Cura Cabay pa sinta cu e amigonan di Centro di Pesca Cura Cabay, un proyecto cu mas di 10 aña pasa a muestra vision, cultura y desaroyo economico local. Loke a cuminsa na 2016 bou liderazgo di ex-minister Otmar Oduber tabata un inversion den nos identidad maritimo: un espacio digno pa e piscadornan, un pier renoba y amplia na 2018 bou di mesun ex-minister Oduber y un vision pa conecta piscamento cu turismo. Awe, e realidad ta mescla cu orguyo y preocupacion serio.

E proyecto: Eduard riba esaki a declara: “Centro di Pesca Cura Cabay ta mas cu un estructura fisico. Ta un punto di encuentro cultural, unda e

piscadornan por sinta prome of despues di bay lama, warda nan ekipo y pasa un momento comunitario. Durante aña, e propio piscadornan mes ta paga mantencion for di nan propio saco pa reparacion di e luznan, mantencion basico y cuidu di e pier”.

Pero amor pa tradicion no por reemplaza responsabilidad di gobierno. E boltsnan mester mantencion tecnico. E iluminacion ta crucial pa seguridad, ora nan drenta of sali mainta trempan of anochi. “E vision original tabata cu e espacio por evoluciona tambe den un niche economico: si e piscadornan haya e huurgrond y edificio bandona banda pabou, nan por bende pisca fresco directo, specialmente cu e turistanan di p.e. Hotel Secrets, cu a habri su portanan



caba na San Nicolas. Esaki lo ta un experiencia autentico, local, cu por genera entrada pa e Centro di Pesca mes y comunidad. Pero e potencial aki ta core riesgo.”

Contaminacion cu no por ignora: Un di e tankinan cu tin sludge tin un scheur. Resultado? Petroleo ta lek y ta drenta den lama. E piedranan blanco cu a pone pa embecece e lugar awor ta preto preto. E bahia ta muestra señal cla di contaminacion. E piscadornan a muestra e situacion preocupante cu prueba cla: algun aña pasa nan a haya piscanan morto ta drief den awa, lodo acumulando y mata straño naciendo na rand di pier.

Unda ta e accion ambiental?



Unda inspeccion tecnico ta? Unda intervencion inmediato ta?

Segun Eduard sa sigui declara: “E tanki aki no ta solamente un defecto structural. Ta un riesgo pa medio ambiente, pa economia local y pa salubridad publico. Fraccion di PPA ta haci un apelacion cla: gobiernomester interveni urgentemente pa stop e lekmento di petroleo y proteha e bahia”.

RWZI y maneho incoherente: Banda di esey, tin cuestion serio riba e maneho di pasado di RWZI. Capacidad limita cu a wordo sobrepasa pa basta tempo cu demasiado truck di chica pos. Resultado? Awa sushi mester wordo descarga di algun forma. Y e sospecha ta, cu parti di e descarga aki ta yega den e bahia di Zeewijk. E efecto visual ta alarmante: acumulacion di lodo na varios caminda y na rampa di pier. E rampa ta casi inoperabel, ora lodo acumula. P’esey fraccion di PPA ta urgi gobierno pa manda excavator limpia e zona (“dredging”),

pa e piscadornan por subi y baha nan boto cu seguridad.

Habri e boca: solucion practico cu ta warda accion: Finalmente, un medida simpel cu por duna alivio inmediato: habri e boca atrobe.

Actualmente, e piscadornan mester nabega 30 minuut pa drenta y 30 minuut pa sali. Esaki ta costa nan un tanki di gasoline extra cada biaha. E boca tabata habri caba. E peticion di e piscadornan ta rasonabel: bolbe habrie pa spaar tempo, placa y combustibel.

“Cura Cabay ta simbolo di resiliencia cultural. Pero amor pa tradicion no por substitui gobernacion responsabel. Nos no por celebra piscamento como patrimonio y na mesun momento laga contaminacion destrui su base. Nos no por papia di economia primario, mientras infraestructura ta deteriora,” Eduard a vocifera.

Gobierno mester interveni awor, proteha medio ambiente, sostiene e piscadornan y honra un proyecto cu a demostra balor real pa Aruba.

Wardacosta a bay evacua dama na estado for di un boto di charter



ORANJESTAD (AAN): Riba Diadomingo mainta, Centro MOC di Wardacosta di Caribe Hulandes a ricibi un yamada urgente, pa indica cu tin algo pasando na Klein Curaçao, cu ta keda pafu di costa di Corsou.

E informacion ta cu un turista Mericano cu a bay na e isla abordo di un boto charter, a bira malo. A compronde cu e dama di 43 aña ademas ta na estado.

Mesora Centro MOC a tuma

contacto cu nan Docter di CITRO pa busca conseho, y basa riba informacion ricibi, el a conseha pa transporta e señora lo mas rapido posibel pa Hospital.

Esaki a pone cu mesora Centro MOC a laga nan Helicopter lanta vuelo y a move den direccion di Klein Curaçao pa asina busca e señora for di e boto di charter. Unabes cu nan tabatin e señora abordo, nan a move pa Aeropuerto CUR na Hato



(Corsou), unda un Ambulance tabata presente cla pa bay cu ne rumbo pa Hospital di CMC na Willemstad.

Pero ora cu a yega Aeropuerto, e dama a wordo atendi door di Paramediconan y aki e dama a indica cu ya caba e ta sintiendo su mes hopi miho, y nan a check tur su señal vital, y asina na final no mester a bay cu ne pa Hospital mas.

Fundacion Lanta Papiamento a tene charla cu Ramon Todd Dandaré



ORANJESTAD (AAN): Fin di siman a tuma lugar e charla interesante den sala principal di Biblioteca Nacional di Aruba. Fundacion Lanta Papiamento (FLP) a tene un anochi di charla titula “Ortografia di Papiamento: causa y consecuencia.”

E orador tabata sr. Ramon Todd Dandaré Mag. Ling. y MC miembro di FLP Shahayra Croes.

E anochi aki Ramon Todd Dandé a presenta e historia di e ortografia di Papiamento desde aña 1775, aña cu e prome palabranan na Papiamento tabata skirbi, te cu awe den 2026 y tambe e echo cu ta existi dos ortografia di nos idioma. Parti di esaki tabata tambe con Hulandes tabata imponi riba nos pa nos colonias, e escohencia di e parti fonologico door di e



islanan Corsou y Boneiro y etimologico na Aruba. A uza e escogencia di Aruba pa e parti etimologico, como rol importante den nos lucha pa Status Aparte.

Den un ambiente agradabel publico por a haci pregunta y discuti riba e desaroyo y futuro di nos idioma. Sr. Todd Dandaré a finalisa su presentacion cu su deseo y su conseho pa e desaroyo di Papiamento declarando cu e no lo ta contra pa scolnan di Aruba, Boneiro y Corsou presenta les y siña nos muchanan tur dos forma di Papiamento esta e fonologico y esun etimologico.

E sala tabata yena cu personahenan di comunidad di Aruba cu ta sostene FLP den su lucha pa nos idioma. Por a mira presencia di entre otro Astrid Britten,



Olga Buckley, Joyce Pereira, Xiomara Maduro, Desiree Correa, Amy Lasten, Rubia Bernabela, Trudy Hassel, Lupita Bernabela, Olivia Benschop-Erasmus, Araisa Todd, Marvin Odor, Michael Paesch y Glenda Maduro.

Sra. Joyce Pereira tambe a dirigi palabra na e publico gradiciendo un y tur pa e sosten y tambe invita un y tur cu ta sinti un conexion cu Papiamento, pa uni nan mes na FLP.



Fortaleza di Famia

Dialuna 2 Maart 2026

E peliger di envidia den famia

Skirbi pa: Pastor Marcel Balootje

Nunca stima un yiu, mas cu otro, bo no por tin un yiu favorito riba bo otro yiunan, semper balansa bo amor como mayor den cas, pasobra e e spirito di envidia cu ta bini directamente for di diabel ta loer den bo hogar.

For di principio di mundo envidia y jaloers a trece dolor, tristeza y hasta morto den famia.

Cain y Abel (Genesis 4:1-5).

Hose y su rumannan (Genesis 37).

Lea y Raquel (Genesis 29-30).

Jacob y Esau (Genesis 25-27).

Den Galatianan 5:19-21 e palabra di Dios ta splica nos cu envidia ta un obra di carni, ta algo carnal, y esnan cu ta participa den obranan di carni lo no hereda e reino di Dios.

Furia ta cruel y rabia ta un diluvio, ma ken por resisti un hende jaloers? (Proverbionan 27:4).

Un curason trankil ta bida pa e curpa, ma envidia ta putrimiento di wesos. (Proverbionan 14:30).

Ta bon pa nos como mayor splica nos yiunan for di chikito tocante, envidia, pasobra bo por envidia un hende pero nunca bo por kita for di dje e bendicion cu Dios a dune, y si bo logra haciendo maldad, husticia di Dios ta pone cu lo bo no gosa di dje. Envidia no ta trece pas, hende envidioso tur momento ta nervioso y preocupa, pasobra nan meta no por wordo logra.

Tin hopi wolf bisti na carne, cu ta acerca cas di hende cu pensamentonan di envidia, simplemente pa trece problema den famia, buscando confianza pa nan sa cosnan di e famia y despues nan mes ta cuminsa papia contra di e famia.

Tin hende cu e diabel ta influencia nan mente asina tanto cu nan ta purba kibra un famia, pasobra sin nos wak e asunto bon den adulterio tambe tin envidia, pasobra hende ta haci tur locual ta posibel pa kibra locual Dios a uni.

Santiago 3:16 ta para skirbi: Pasobra caminda ta existi envidia y egoismo tin desorden y tur sorto di cos malo.

Pleito den cas, violencia den famia, discucion na trabao, traicion na trabao, bringamento pa puesto, discucion den matrimonio, tur esey ta sosode bao di influencia di envidia.

Hasta den politica, comercio, media, tur caminda envidia ta presenta como un competencia, pero nos tin habri wowo y mira bon cu e ta un hecho cu ta sali for di curason.

No ekiboca compara envidia cu sabiduria, pasobra tin hopi envidioso, cu ta kere cu ta sabi nan ta, y bon nan ta, pero den envidia no tin nada di sabiduria (Corda cuanto cos Hose su rumannan kier a haci cune pa nan por kite for di caminda).

E sabiduria aki no ta esun cu ta bini di ariba, ma e ta terenal, natural, diabolico. (Santiago 3:15).

Envidia ta scuridat pa nos bida pasobra e palabra di Dios ta bisa: Y esaki ta e mensahe cu nos a tende di dje, y ta anuncia na boso, cu Dios ta lus, y den dje no tin nada, nada di scuridat. Si nos bisa cu nos tin comunhon cu Dios, y sinembargo, nos ta cana den scuridat, nos ta gaña y no ta practica e berdad.

Un hende envidioso ta cana den scuridat, pasobra e no ta stima su ruman, pasobra ta imposibel bisa cu bo ta stima Dios, y bo no ta stima bo ruman.

Como mayor nos tin cu haci oracion pa nos yiunan, pa asina preveni cu envidia por dreña cas, y haci desaster.

Pasobra envidia ta dreña tur caminda cu e haya porta habri, den nos hogar, den iglesia, na trabao, y hasta cu e bisña.

Dios spaar nos y libra nos.





RESULTADO DI SORTEONAN PA CORTESIA DI CADENA ALEXANDER

— Diasabra 28 Februari 2026
— Diadomingo 1 Maart 2026

DIARIO	KORSOU	Lotería Santo Domingo	CATACHI	ZODIAC	LUCKY 3
Diasabra 3746 2483 0187	Diasabra 6340 4475 2542	Diadomingo Anochi 8311 0313 4708	Diasabra Merdia 4618 7819 2607 X2	Diasabra Merdia 0942 Aries	Diasabra Merdia 351 X2
Diadomingo 7068 3421 9830	Diadomingo 4826 2204 3506	Diadomingo Merdia 4253 2822 3149 1587 FP	Diasabra Anochi 4347 Aries	Diasabra Anochi 136 FP	Diasabra Anochi 153 FP
Diadomingo 7068 3421 9830	Diadomingo 4826 2204 3506	Diadomingo Merdia 4253 2822 3149 1587 FP	Diasabra Anochi 4347 Aries	Diasabra Anochi 136 FP	Diasabra Anochi 153 FP
Diadomingo 7068 3421 9830	Diadomingo 4826 2204 3506	Diadomingo Merdia 4253 2822 3149 1587 FP	Diasabra Anochi 4347 Aries	Diasabra Anochi 136 FP	Diasabra Anochi 153 FP
Diadomingo 7068 3421 9830	Diadomingo 4826 2204 3506	Diadomingo Merdia 4253 2822 3149 1587 FP	Diasabra Anochi 4347 Aries	Diasabra Anochi 136 FP	Diasabra Anochi 153 FP



RESULTADO

— Resultado di Diasabra 28 Februari 2026 —

08 10 11 15 16

Free Letter: **L**

Joker
13

1er Premio: Tin 0 ganador
2do Premio: Tin 0 ganador di Match 4+
3er Premio: Tin 5 ganador di Match 4
4to Premio: Tin 192 ganador di 12 Florin

Siguiente sorteo: 4 Maart 2026
Premio di jackpot: **Afl. 220.000,--**

EMERGENCIA NA ARUBA

Dialuna 2 Maart 2026

DOCTER NA WARDA

SAN NICOLAS:

Pa San Nicolas, Docter lo
ta na H.A.P. ImSan.
Docker tey for di 6'or di
anochi te 10'or di anochi.

ORANJESTAD:

Pa Oranjestad, Docter lo ta
na Huisartsenpost H.A.P.
na Hospital. Docker tey di
6:30 pm te cu 10:30 pm.

BOTICA NA WARDA

PARIBA DI BRUG:

Botica Aloe NV
Pos Chikito 83
Telefon 584-4606


PABAO DI BRUG:

Botica Oduber NV
Caya Betico Croes 103
Telefon 582-1780

BUSCA PALABRA

D O G C H A N C H I D N
A N U R A A D A A H A O
R H R U D V R D B D S U
O I B Z I R A N A R R Z
A H I A A O V I I R R V
D A T D R A E M C A E C
A E Y A A U L A N R C H
P R I A O T U C E O Y A
A E G N C C O A R O A V
D B C A E B B R E R W E
S T R A A T I E F D H N
R A L H A D C B E R G I
T M R L O I G A R D I D
E I U R T B N R P C H A

Boulevard Highway Hanchi Caya
Avenida Caminda Straat Berea
Corridor Preferencia Cruzada Brug



Hari Un Tiki

Pancracia tabata drumi, y
den marduga el a spierta
for di soño ora e ta tende e
telefon ta ring, ring, y taba-
ta keda ring.

Tur zonza ainda, el a cende
luz, a rek man y a gara e
telefon y a contesta:

—“Hallo... hallo... mi por
haya sa ta kende ta yama
n'e ora di Dios aki?”

Un bos di homber na e tele-
fon a contesta:

—“Dushi... ta bo casa ta
yamando.”

Pancracia a keda sorprendi,
y el a bira wak e holoshi na
muraya pa check ta cuantor
tin, y a contesta:

—“Buchi, bo ta bon? Di con
bo ta yamando aworaki
laat marduga asina y lan-
ta'mi for di soño?”

Buchi aki a core bis'e:

—“Dushi, bin buscami,
como cu mi a caba di dal e
auto y tin hopi morto.”

Pancracia a contesta:

—“Hesu dushi! Contra kico
bo a boks, contra un Bus?”

Aki Buchi a hala un tiki
rosea profundo, y a dicidi
na duna su contesta:

—“No, contra e muraya di
santana, y mi tin hopi
miedo mes”.

Solucion Anterior

6	6	9	1	5	7	8	2	3
5	7	3	6	2	8	9	4	1
2	1	8	4	9	3	6	5	7
9	5	1	8	7	2	3	6	4
3	2	6	5	1	4	7	8	9
7	8	4	3	6	9	2	1	5
8	3	2	9	4	1	5	7	6
6	4	7	2	3	5	1	9	8
1	9	5	7	8	6	4	3	2

Difficulty: ★★★★★

7/28

> SUDOKU <

King Classic Sudoku

							5	8
9	2							
5			3		2		7	
	5		1	6	9			
		4			8		6	9
	1			2				
				1		3		
		5						2
8			9		3			

Difficulty: ★★★★★

7/29

DIARIO

Loke Tempo ta Mustra....



•• Area di presion halto riba Atlantico ta pone cu biento ta sigui
supla fuerte te duro na Aruba, y ta limita actividad di awacero
den region. Stof mas modera di Sahara ta den region awe.

•• Biento di Pariba basta fuerte entre 20 y 39 km/h, cu rafaga te
61 km/h. Lama modera cu ola entre 4 pa 7 pia.




ALMANAC



**Bahada
y salida
di solo
na Aruba**

— **2 Maart 2026**
Solo ta baha: 6:49 p.m.
— **3 Maart 2026**
Solo ta sali: 6:55 a.m.
Solo ta baha: 6:49 p.m.
— **4 Maart 2026**
Solo ta sali: 6:54 a.m.
Solo ta baha: 6:50 p.m.
— **5 Maart 2026**
Solo ta sali: 6:54 a.m.
Solo ta baha: 6:50 p.m.
— **6 Maart 2026**
Solo ta sali: 6:53 a.m.
Solo ta baha: 6:50 p.m.



**Lista di
Crusero
di bishita
na Aruba**

— **Diamars 3 Mar. 2026:**

Carnival Horizon:
(08:00 - 22:00)
Seven Seas Grandeur:
(10:30 - 22:00)
Norwegian Sky:
(13:30 - 22:30)

— **Diaranson 4 Mar. 2026:**

Brilliance of the Seas:
(08:00 until Thursday 5th)
Ambassador Ship 3:
(09:00 - 18:00)
Brilliant Lady:
(10:00 - 22:00)

— **Diahuebs 5 Mar. 2026:**

Majestic Princess:
(07:00 - 16:00)
Serenade of the Seas:
(08:30 - 18:00)
Brilliance of the Seas:
(Debarks at 18:00)

— **Diabierna 6 Mar. 2026:**

Carnival Glory:
(09:00 - 22:00)



Tel: 583-1190
Anonimo y Confidencial

DEPORTE INTERNACIONAL

Royals ta firma contrato di 1 año cu ex All Star Starling marte



KANSAS: Kansas City Royals y hungador veterano di outfield Starling Marte a bay di acuerdo pa firma un contrato di 1 año, segun Anne Rogers di MLB.com.

Te cu Diadomingo atardi ainda e de-tayenan di e acuerdo no tabata conoci.

Marte ta bay ta den un grupo di hungador di outfield cu ta proyecta pa inclui Jac Caglianone, Isaac Collins, Kyle Isbel y Lane Thomas riba e prome dia di temporada.

E hungador di 37 año a hunga e ultimo 4 temporadanan pa New York Mets, pero el a hunga apenas den 396 wega debi na lesionnan.

Na 2025 Marte den 98 wega a caba cu un average di bateo di .270 y un promedio di yega base di .335, cu 9 homerun y 34 careda impulsa.

E dos biaha All Star den 14 temporada cu Mets, Athletics, Pittsburgh Pirates, Miami Marlins y Arizona Diamondbacks a bati 163 homerun y a roba 361 base.

Dodgers no ta verwacht cu Snell ta bay ta cla pa prome dia di temporada



SCOTTSDALE: Los Angeles Dodgers no ta verwacht cu dos biaha ganador di Cy Young Blake Snell ta bay ta cla na tempo cu su rehabilitacion pa prome dia di temporada.

Snell ainda ta ricibi tratamiento pa

e lesion cu e tabata tin na su schouder cu desde temporada pasa tabata dune molestia.

Manager di Dodgers Dave Roberts Diaberna a conta reporteronan cu e pitcher surdo pa algun tempo ta tirando bala si, pero no for di monticulo.

Segun Roberts Snell ta progresando bon. Año pasa Snell a wordo limita na apenas 11 wega den temporada regular y

tabata tin un record di 5-4 cu un ERA di 2.35.

Den post temporada el a cuminsa 6 wega y a caba cu un record di 3-2 pa yuda Dodgers gana e World Series contra Toronto Blue Jays.

Fulham a gana Tottenham Hotspur 2-1



INGLATERRA: Diadomingo hungando na cas Fulham tabata favorito pa gana nan wega di Premier League contra Tottenham Hotspur y nan a cumpli.

Fulham tin mas posesion di bala, nan a hunga bon y na final nan a gana cu un score di 2-1.

E prome gol di Fulham a wordo anotado pa Harry Wilson den di 7 minuut caba y den di 34 minuut Alex Iwobi a anota e 2-0.

Spurs a haya speranza ora cu den di 66 minuut Richarlison a anota un gol, pero mas leu cu esey e ekipo di Londres no a yega.

Cu e resultado aki Tottenham ta baha pa di 16 lugar di e campeonato Ingles cu 29 punto den 28 wega, mientras cu Fulham ta na di 9 lugar cu 40 punto. Den otro weganan di Premier League Manchester United a gana Crystal Palace 2-1 y Arsenal a gana Chelsea 2-1.

FC Twente a sorprende Feyenoord



TWENTE: Hungando na cas FC Twente Diadomingo a haci un bon trabao di tin mas posesion di bala y na final nan a logra di gana Feyenoord 2-0.

Nan a mantene e ekipo di Rotterdam na un posesion di bala di apenas 47% y 2 tiro riba gol.

Di otro banda Twente a logra tira 8 bala riba gol.

E prome gol di Twente a wordo anotado pa Kristian Hlynsson den di 45 minuut, mientras cu pa sigura e victoria Sondre Orjasaeter a anota e di dos gol den di 72 minuut.

Cu e resultado aki Twente ta subi pa di 5 lugar di Eredivisie cu 41 punto den 25 wega, mientras cu Feyenoord ta sigui na di dos lugar cu 48 punto.



Noticianan for di Hulanda

Benta di auto nobo na Hulanda a baha cu 20% compara cu un año anterior



HULANDA: Luna pasa na Hulanda alrededor di 20% menos auto nobo a wordo bendi, compara cu un año prome.

Cu esaki e caida den benta di auto nobo den luna di Januari ta sigui, organizacionnan BNOVAG y RAI Vereniging tya constata.

Den luna di Februari a pone plachi di number riba 22.380 auto nobo na Hulanda.

Esaki ta inclui 6805 auto electrico.

Den luna di Januari tambe e benta a cay, unda cu e año aki a registra 50.366 auto nobo.

Esaki ta 16,4% menos cu den e dos prome lunanan di 2025.

Un vocero di BOVAG a duna di conoce cu e ta kere cu e bahada den benta tin di haber cu e aumento den benta di auto den e ultimo lunanan di año pasa.

Personanan di Iran bibando na Hulanda a celebra atake di Trump riba nan pais di origen



HULANDA: Personanan di Iran bibando na Hulanda a sigui e atake di Merca riba Iran cu hopi emocion.

Nan a celebra cu un optimismo cauteloso e hecho cu den su atake Merca a logra mata e lider Supremo di Iran Ayatollah Ali Khomeini.

Pa hopi e accionnan ta trece bek recuerdonan di añanan largo di represion na nan pais y nan ta spera cu esaki por ta e momento cu por bin cambianan grandi, unda cu e

habitantenan di Iran por tin mas libertad.

Na mes momento tin un inseguridad grandi, mirando cu tin chens cu por bin un escalacion di e confrontacion entre Merca y Iran, cu por tuma varios victima.

Hendenan di Iran na Hulanda a subi caya pa celebra, pero na mes momento nan ta teme pa seguridad di nan compatriotanan, incluyendo nan propio famianan cu ainda ta biba na Iran.

Preso a hinca wardador di preso cu tayo kibra



HEERHUGOWAARD: Diasabra un preso den prison di Heerhugowaard a hinca un muher wardador di preso, cu un pida di un tayo kibra.

E guardia a wordo corta na su cara y garganta, despues di cual el a wordo secuestra.

Despues cu a logra controla e sospechoso, e muher a wordo transporta pa hospital.

E victima por a papia ora cu el a ricibi tratamiento.

Esaki polis a duna di conoce despues di e incidente.

Henter a problema a dura alrededor di 1 ora y mey.

E sospechoso a wordo deteni y hiba pa warda di polis.

Recherche awor ta haciendo un investigacion di e caso.

Hefe di AIVD saliente preocupa cu menasa terrorista



HULANDA: Erik Akerboom ta bay retira di su posicion como hefe servicio di inteligencia y se-

guridad AIVD, despues di un cantidad di año.

Durante su tempo como hefe, e servicio a wordo confronta cu un cantidad di menasa nobo y compleho.

Esaki ta inclui espionaje cibernetico, radicalizacion y riesgonan tecnologico.

Akerboom a pone e retonan ey central den e direccion di e organizacion.

Den su palabranan di despedida e ta enfatiza e necesidad di cooperacion cu partnernan stranhero, mundo di comercio y otro servicionan di gobierno, pa por reaccion na un manera mas sabi y mas lihe contra mena-

Noticia Internacional

Mundo henter preocupa cu e guerra nobo aki cu a cuminsa Diasabra

Merca y Israel cu atake di misil cu drones riba Iran a comberti den un gran conflicto regional

- Iran a tuma venganza y ta bombardea Basenan Militar den region
- Paisnan Arabe disgusta cu atakenan di Iran riba nan teritorio

DUBAI: Haciendo uzo di misil, drones, y tambe B2 Stealth Bombers, Merca hunto cu Israel riba Diasabra a tene un atake simultaneamente riba varios facilidad militar di Iran, y esaki a bin despues cu e negociacionnan entre Iran y Merca na mesa a stagna. Aunke mayoria di atake ta dirigi riba e.o. fabricanan di misil, instalacion militar, lugarnan unda lidernan ta sconde, toch a sali informe cu un bom a cay riba un scol pa mucha muhe na ciudad di Minab, cu ta situa den parti zuid na Iran, matando eynan so 165 persona.

Represaya di Iran: Lideran Militar na Iran un poco despues a tuma venganza, y a dicidi na start un represaya cu un awacero di misil y drones cu a lanta vuelo y bay den diferente direccion, incluyendo Tel Aviv y tambe Jerusalem na Israel. Nuebe hende scondi den un shelter bao di un sinagogo na Jerusalem a perde nan bida. Varios bom di Iran a cay



den areanan residencial. President Donald Trump a duna declaracion cu den e atakenan aki, un total di 48 lider Irani a ser mata, incluyendo e lider supremo Ali Khamenei. Iran a dirigi monton di misil y drone riba tur e basenan naval cu tin den region, incluyendo Qatar y Bahrain. Pero e no a keda eynan so,

sino cu a ataca tambe Aeropuertonan Internacional yena cu pasahero na Bahrain y e famoso Aeropuerto Internacional gigantesco na Dubai.

Ademas di atakenan riba Basenan Naval na e.o. Bahrain, Emiratonan Arabe Uni, Arabia saudita, Jordania, y Qatar. Tin hopi destruccion cu a presenta debi cu atake anti-aereo na e paisnan aki tabata destrui e misilnan den halto, y fragmentonan ta bin abao y cay riba areanan residencial. Na Dubai tin uno cu a dal den Palm Jumeirah Resort y a ocasiona un candela grandi. Tambe tin resto di Drone cu a cay na Burj Al Arab, e famoso hotel eynan.

Den atakenan di misil, Iran a



dirigi esakinan tambe riba e portavion Mericano, USS Abraham Lincoln cu ta den Golfo, y a haci saki cu 4 misil balistico. Tambe Iran a ataca cuatro otro barco den Estrecho di Hormuz, segun agencianan maritimo a indica.

Arabia Saudita furioso: Mientras tanto gobierno di Arabia Saudita ta hopi disgusta cu e represayanan aki di Iran cu a inclui atake riba nan pais tambe. Un base militar na Riyadh a ricibi atake, y nan a logra intercepta un atake dirigi riba nan Aeropuerto.

Arabia Saudita a condena e atakenan Irani riba tur su bisiñanan, den un declaracion emiti door di Gobierno. "Reino di Arabia Saudita ta

condena fuertemente y ta denuncia e agresion brutal di Iran y e violacion di soberania di Emiratonan Arabe Uni, Bahrain, Qatar, Kuwait, y Jordania", segun e declaracion. E pais awor kier pa e paisnan victima uni pa asina nan forma un frente fuerte contra Iran.

Riba Diadomingo: Israel y Iran a habri Diadomingo atrobe cu atakenan di misil. Iran a bisa cu nan lo tuma venganza pa morto di nan lider Ali Khamenei. Tambe a haya sa riba Diadomingo, cu 3 militar Mericano a fayece durante e atakenan di Diasabra, y cinco mas ta seriamente herida, como parti di e "Operacion Epic Fury".

Gobierno di Kuwait a divulga Diadomingo, cu 1 persona a fayece y 32 stranhero a keda herida den atakenan di Iran riba nan pais.

E compania Maersk di Dinamarca, a indica cu nan a suspende tur nan barco pa no cruza den Estrecho di Hormuz, te cu proximo aviso, y den otro articulo den DIARIO por lesa riba loke a pasa eynan.

Pentagon na Merca a confirma cu su militarnan a dal y ataca un barco di guerra di Iran durante e prome oranan di atake di Diasabra, y e barco ey aworaki ta sink den Golfo di Oman.

Mundo henter ta preocupa cu loke ta pasando, y tin miedo cu e paisnan den Golfo tambe ta bay participa den esaki y haci e conflicto aun mas grandi. Israel a bisa cu ainda nan tin "cos mas grandi" pa ataca Iran cu ne.



Papa Leo a pidi stop cu spiral di violencia na Medio Oriente

CIUDAD VATICANO: Papa Leo XIV a pidi Diadomingo pa pone un fin na e "spiral di violencia" na Medio Oriente, despues cu Merca y Israel a ataca Iran, y cu e ora e pais ey a tuma represaya cu bombardeo na cantidad na diferente pais den region.

"Dilanti e posibilidad di un tragedia di proporcionnan enorme, mi ta pidi tur esnan involvi pa nan asumi nan responsabilidad moral y stop cu e spiral di violencia prome cu e bira un abismo cu no por wordo drecha," Papa Leo a bisa dilanti e multitud presente na Plaza di San Pedro na Vaticano.



ni cu arma, cu ta siembra destruccion, sufrimento, y morto, sino djis cu un dialogo razonabel, sincero, y respons-

abel," Papa Leo a bisa durante oracion di angelus. El a bisa cu ban laga "diplomacia recuperá su rol".

Trump ta menaza di lo uza un forza 'nunca antes bisto'

WASHINGTON: President Donald Trump a bisa Diadomingo, cu Merca lo bati Iran cu "un forza nunca antes bisto" si nan tuma represaya contra e atakenan di Washington y Israel, cu a mata nan lider supremo Ali Khamenei.

"Iran a caba di declara cu awe e ta bay ataca mas fuerte, mas fuerte cu nunca," Trump a indica. "Pero mihor nan no haci esey, pasobra si nan haci'e, nos lo ataca nan cu un forza nunca antes bisto," el a adverti den un relato poni riba su social media.



Noticia Internacional

Iran a blokea tur barco tankero den Estrecho di Hormuz

Guera di Iran a caba di hinca mundo den crisis di petroleo mas grandi di ultimo tempo



DUBAI: E atake door di Merca y Israel riba ciudadnan di Iran, a escala rapidamente riba Diasabra. Pasobra Iran despues di esey, riba su mes tambe a lanza diferente atake di venganza dirigi prome riba basenan militar Mericano cu tin den region, y despues riba infraestructura di e demas paisnan Arabe tambe, incluyendo Hotel y tambe Aeropuerto nan grandi di e.o. Dubai y Bahrain.

Sinembargo e punto mas crucial ta cu ora Marina di Iran a bay riba VHF Marine Radio canal 16, y anuncia na ingles cu Iran a caba di dicidi pa blokea completamente e 'caya di lama' conoci como



Estrecho di Hormuz. E ta un canal crucial pa transporte di petroleo y gas natural for di Medio Oriente, e.o. tur produccion di LNG-gas for di Qatar, cu ta e exportador mas grandi di esaki pa mundo henter.

Esaki ta e canal cu e barconan saliendo di mayoria paisnan Arabe (incluyendo Bahrain, Qatar, Emiratonan Arabe Uni, y Arabia Saudita) ta uza pa sali for di Golfo

Persico pa drenta Golfo di Oman y despues sigui nan ruta pa resto di mundo.

Ora cu a anuncia e blokeo aki, inmediatamente mercadonan global di energia a haya un di e shock di mas grave den hopi decada. Esey nifia cu tur exportacion di petroleo di Golfo ta wordo interumpi.

E scala di e blokeo aki lo wordo determina con hopi e conflicto lo dura, pero pa awor e menaza y inseguridad ta ya caba suficiente pa impacta severamente e fluho di crudo for di e region, cu ta encera 20% di henter suministro di petroleo global.

Esaki ta pone cu awe Dialuna ora cu mercadonan di bolso di petroleo ta habri bek, lo por bay mira aumento fuerte den prijs pa bari di petroleo. Prijs di bari di crudo Brent mes, ultimo simannan ya caba a subi y yega como \$70 pa bari, cu ta e nivel mas halto desde Augustus 2025. Anto esey ta mientras inversionistanan tabata anticipa un enfrentamento militar den Medio Oriente.

E blokeo di Estrecho di Hormuz tin Gobierno di Hulanda tambe hopi preocupa, pasobra ni un siman pasa, e red di suministro di gas, esta 'Gasunie' a confirma cu e stock di gas na Hulanda ta bao di 11%. Nunca antes e tabata asina abao, y ta preparando pa cumpra mas gas pa yena tur nan stock.

Mayoria gas nan tabata cumprando awor for di paisnan di Golfo, y awor cu esaki a socede, e ta un blokeo cu a bin na mal momento cu Hulanda tin di bay yena nan stock di gas.

INTERNACIONAL

NOTICIA FOR DI COLOMBIA

MULTA DI 1.2 MIYON PA TUR BROMMER CU BOROTO

BOGOTA: Autoridadnan di trafico rond di henter Colombia, a adverti cu nan lo cuminsa aplica e Ley 2450



di aña 2025, cu tin como unico meta pa busca forma pa reduci boroto y demas desorden riba caya, y di awor en adelante e contaminacion acustico a wordo estableci na un maximo di 86 dB (decibel) pa tur motorcycle. Esey nifia cu tur manehador di motorcycle cu ta sobrepasa e nivel di boroto permiti, cu ta uzando un muffler altera of no-original, lo bay haya un boet cu ta yega 1.208.000 Pesos (como 577 Florin). Na Colombia a descubri cu un di e problema mas frecuente ta ora cu e motorcycle tin modificacion no-autoriza, cu ta aumenta e nivel di boroto, of ta altera nan caracteristicanan original. Esaki ta inclui instalacion di resonators, cambio di e sistema di muffler, y uzo di aparatonan cu no ta bin original pa e motorcycle. Pa esaki, cu ta un infraccion tipo C28, e multa ta entre 604 mil Pesos y 711 mil Pesos. Pero e boet mas halto ta infraccion tipo D17 ora cu e motorcycle ta sobrepasa e nivel di boroto cu 86 dB, y esaki lo dunabo un multa di 1.2 miyon Pesos.

CONTRABANDISTA MATA Y CAPTURA 183 KG COCA

RIOHACHA: Pa casualidad tropanan militar Colombiano a bin topa un SUV moviendo sospechoso, y



a dun'e ordo pa stop. Pero esnan den e vehiculo no a sigui ordo, y den un manobra peligroso nan a dal un di



e soldatnan para banda di caminda, y a cuminsa los tiro y asina cuminsa huy. Militarnan mesora a reacciona bek, y nan a demonstra di con nan training ta miho, y a tira bastante riba e vehiculo, y a sigui cu un persecucion cu yudansa di unidad motoriza eyan, y a logra stop e Toyota. E chauffeur a core baha y huy. Den e SUV a bin haya e curpa sin bida di William Alberto Bravo Escorcia, kende ta conoci como 'Nene Pimpón'. E ta un contrabandista di droga pa gruponan arma den e region. E caso aki a socede na sector Los Haticos, den area rural di municipio San Juan del Cesar, na departamento di La Guajira.

DRONE A ATACA UN HELICOPTER MILITAR

CARTAGENA: Gruponan criminal (di e.o. Clan del Golfo y ELN) den parti zuid di departamento di Bolivar,



a haci uzo di un Drone cu explosivo, pa ataca un Helicopter militar cu tabata na tera na Base Militar San Lucas. Net ora cu e militarnan tabata subiendo e aparato, cu e Drone a yega y a bin dal contra nan y explota. Esaki a pone cu un sub-oficial y tres soldat a ricibi heridan grave. Como 10 otro militar den e area, tambe a ricibi herida leve di pidanan di e explosivo.

A intercepta Drone di Iran y el a cay y cuminza kima edificio iconico na Dubai

DUBAI: Despues di e atakenan riba Iran, militarnan di e pais a dicidi na manda varios Drone kamikaze den diferente direccion contra demas paisnan Arabe, no djis pa ataca basenan militar na e.o. Bahrain, pero tambe ataca areanan turistico di Dubai.

Defensa aereo di e pais tabata druk ta purba di stop e intentonan di cada Drone.

Iran ta ekipa Drone cu explosivo, y aunke defensa ta logra destrui parti di e motornan di Drone, toch e resto ta bin abao y ocasiona desastre. Y esey ta loke a pasa cu resto di Drone cu a cay y cuminza pega e famoso y iconico edificio di Burj Al Arab Dubai, un hotel di 5-strea.

E explosion a socede mas abao na e parti di skina di e edificio, y mesora numeroso unidad di Bombero a bay pa combati e candela y a logra pag'e. Cuatro persona a keda herida den e atake aki di e Drone tipo 'Shahed' di Iran.



Noticia Internacional

Chens unico pa pueblo tuma nan pais bek over

Iran a admiti cu lider supremo Ali Khamenei mata den atakenan

WASHINGTON: President Donald Trump di Merca a insisti Diasabra cu e lider supremo di Iran, esta Ali Khamenei, a fayece den atakenan haci mesun mainta ey door di Merca y Israel riba e pais Iran. El a describi e hefe di estado di Iran, como "un di e personanan mas malbado di historia".

"Jamane, un di e personanan mas malbado den historia, a muri. Esaki no ta djis husticia pa pueblo di Iran, pero tur e Mericanonan grandi y hendenan di hopi pais na mundo cu a wordo mata of mutila door di Jamane y su gang di matonnan sangriento," ta loke Trump a skirbi den un mensahe riba social media.



Ali Khamenei di 86 aña di edad, a subi como lider supremo di Iran desde 1989, y ta autoridad maximo di politica y di religion na e pais, y tin hopi mas poder cu e President mes.

E yiu homber di president Masud Pezeshkian, a declara na prensa cu intentonan di mata su tata a fracasa, y cu e ta bon. Pero el a bisa cu otro ehecutivonan di Gobierno, e.o. e Ministro di Defensa, Amir Nasirzadeh y tambe e Comandante di Iran Revolutionary Guard, esta Mohammed Pakpour a perde nan bida.

Trump a splica, cu e morto di Jamane ta un chens grandi pa pueblo di Iran recupera nan pais bek.

Israel a bisa cu den e Operacion Epic Fury aki, nan a mata siete funcionario halto di regimen di Iran. Meta di e atakenan ta pa decora e regimen di Ayatollah aki cu ta gobernando Iran desde 1979.

Atake riba Iran a pone Bitcoin cay cu 6%



NEW YORK: E prijs di e criptomoneda Bitcoin a cay na forma bruto te na 63.245 Dollar, despues cu president Donald Trump di Merca a ordena un atake masivo contra Iran, cu a provoca liquidacionnan di como 522 milyon Dollar y a genera un movimiento fuerte di aversion di riesgo riba tur mercadonan di cryptocurrency.

E caida aki ta representa como 6% compara cu e ciera di Diahuebs 26 di Februari na 67.469 Dollar.

Miles di pasahero pega rond mundo debi na atake na Iran



DUBAI: Un pasahero bulando Diasabra mainta for di Philadelphia (Merca) pa Doha (na Qatar), diripiente a tende e Capitan haci un anuncio via speaker, indicando cu Israel y Merca ta atacando Iran, y pa e motibo ey tur espacio aereo riba Iran, riba Doha, riba di Dubai, riba di Bahrain, riba di Kuwait, riba di Irak, riba di henter Israel ta cera. Nan tin 8 ora caba bulando e momento ey, y Capitan a anuncia cu nan unico opcion ta pa bira y bula 8 ora bek pa regresa Philadelphia. Pues nan lo a bula 16 ora largo y na final ateriza bek na mesun lugar unda nan a sali.

Esaki tabata e situacion pa miles di pasahero kendenan a keda stagna y pega den henter Medio Oriente, ora cu e.o. Emiratonan Arabe Uni, Turkia, Bahrain, Oman,

Arabia Saudita, y mas pais a cancela 346 vuelo, y a retraza 525 otro vuelo, cu a impacta aerolineanan Emirates, Turkish Airlines, Etihad Airways, Gulf Air, Royal Jordanian, Qatar Airways, y mas. Tur esaki debi cu espacionan aereo a wordo cera.

Cancelacionnan aki a afecta Aeropuertonan grandi den henter e region, y efectonan a keda escala pa e pasaheronan.

Tur nan plannan di viahe di pasaheronan, sea pa vakantie of negoshi, a keda tur na werki, y a bira un crisis cu a impacta vuelonan internacional y domestico den henter Medio Oriente. Hasta Turkia su Aeropuerto a sufrí di tur retraso, y ningun pasahero tabata haya contesta si acaso nan vuelo lo sigui of no, y nan a keda sin pasenshi.

NOTICIA FOR DI VENEZUELA

CARGAMENTO REMEDI NO A YEGA TUR HOSPITAL

CARACAS: Cu dos vuelo di carga procedente di Merca, a manda varios ton di remedi y material pa Hospitalnan



pa wordo suministra na Venezuela. Aunke e cargamentonan ta hopi grandi, toch e vice-president di Ministerio di Salubridad Publico, Isabel Iturria, ta adverti cu e cantidad cu a ser ricibi a resulta di no ta suficiente pa cubri e demanda di operacion di tur Hospital na Venezuela. Segun e funcionario, e cargamento tabata djis algo limita cu no ta yega pa e consumo real di Hospital- y Clinicanan na Venezuela. E prome cargamento a bin cu lista varia di materialnan den cantidad limita, mientras cu den e di dos vuelo e carga a bin cu djis un tipo di antibiotica. El a bisa cu e cargamento ta musta grandi, pero ta hopi menos cu loke Hospitalnan ta uza den un siman di tempo rond di Venezuela. Caracas awor a acelera compra di tur remedi cu tin disponibel na Venezuela mes pa yuda manda esnan mas esencial pa tur Hospital na e pais, via coordinacion direct cu e productornan local.

VENEZUELA A CONDENA ATAQUE RIBA IRAN

CARACAS: Via di un boletin emiti pa canceller chavista Yván Gil, e ta splica cu Gobierno di Venezuela ta condena e atake di Merca y di Israel contra Iran riba Diasabra. Den e boletin, e ta bisa cu Caracas ta lamenta profundamente, den un contexto cu tabatin desaroyo di esfuerzonan



diplomatico y negociacionnan andando, pero toch a opta pa tuma accion militar contra e Republica Islamico. Segun Caracas, esaki ta ocasiona un reaccion di cadena peligroso y cu no por pronostica con e lo escala, incluyendo e represayanan militar indebido y condenabel contra lugarnan na diferente pais den region door di Iran. E atakenan ta contra di e desconocemento di principionan di diplomacia, solucion pacifico di controversianan, y e Carta di Nacionnan Uni, cu ta pone e region y mundo awo den un escenario di instabilidad di enorme gravedad.

VENEZUELA EMITI UN ALARMA PA KEINTURA GEEL

CARACAS: Debi na dlanan di fiesta acercando y tambe temporada di vakantie, Ministerio di Salubridad Publico



na Venezuela a indica cu nan a emiti varios medida estricto special pa hendenan cu ta bay bishita zonan cu ta yena di mondi, selva, of parkenan cerca di parokianan cu ta

bao advertencia debi na e brote di Keintura Geel cu ya a keda detecta na cuatro estado na e pais. Advertencia ta valido pa tur esnan cu kier bishita estadonan Barinas, Aragua, Lara, y Portuguesa mester tene cuenta cu lo siguiente. Vacuna: Turistanan mester ricibi e dosis unico por lo menos 10 dia prome cu e viahe. Proteccion: Ta necesario pa bisti camisa di manga largo, spuit repelente di insecto riba bo cuero, y pañanan color cla. Control: Comunidad mester paga tino pa elimina criadero di sangura. Na Venezuela a registra 36 caso confirma, di cual 75% ta di hendenan entre 10 pa 49 aña di edad, y pesey na Venezuela aworaki tin e vacunacion activo keto bay na tur hende entre 1 y 58 aña di edad.

**Pa chica Pos - Habri tubería y wc.
Servicio lihe y confiabel.**

Experiencia ta manda

CICLONE

Septic Tank Service

Tel: 564-0607 / 734-0607

**TA FURA
ELMA UPHOLSTERY**

Matras, box busca mainta y
hay e atardi! Set di sala, tv
chair, sienta auto.

Tel: 565-5577

Macapruimstraat # 1L

**CONSTRUCCION
REMEDIACION**

Nos ta traha y drecha tur sorto
di dak: shingle, eterniet, panchi,
zink. Pega bloki, tegels, plafond,
pleister, pone porta, lanta cura,
basha vloer, construccin di cas
y apto bon prijs. Free quotation.
Tel: 561-2137

NOS TA CUMPRO

Oro y plata kibra,
holoshi antiguos y
moderno di bon marca.

SILVER LEAF

Havenstraat 32

Tel: 746-0535 / 592-1776

**TA FURA
STOEL**



CEL: 561-2941

WASMACHINE

Ta drecha wasmachine,
dryer, stoof, forno.

Ta drecha, service y instala
airco. **Tel: 742-2518.**

Ta drecha na cas mes.

PROMASTER

Pa laba tapijt, sofa,
tur matras.

99% desinfecta.

Tel: 582-0383 / 593-3538

Leslie Maduro

**JR PLOMERIA Y
CONSTRUCCION VBA**

Nos ta haci tur trabao
di plomeria grandi y
chikito. Lavamanos,
wc, lavaplatu y ducha.



jrplomeriaconstruccion@gmail.com • Sero Blanco 29-E

Tel: 563-4154 • 563-9130

TA CUMPRO

Holoshi antiguo
y moderno
di bon marca.

Tel: 744-9995

TA CHAPI

Corta mata.

Ta tira sushi afo. Nos
ta hardineria completo
na super bon prijs.

Tel: 569-8003

DIARIO

Pa noticia, cumpleaños,
comentario, redaccion:

noticia@diario.aw

Tel: 582-6747

Kirsten Henriquez:

Pasion pa Violin a nace na Porta pa Harmonia



ORANJESTAD (AAN): E
dama Kirsten Henriquez, sig-
ur ta un ehempel di con pa-
sion y dedicacion por flore-
ce ora talento haya oportunidad.
Su trayecto musical a cum-
insa na Porta pa Harmonia, ca-
mina el a descubri su amor

pa violin.

Inspiracion ta hopi biaha
nace for di cas. Den caso di
Kirsten, su influencia princi-
pal a bin for di su welo, un
tocado di violin. "Semper mi
a desea hereda e talento di mi
welo," Kirsten a comparti, cu
orguyo y emocion.

P'e, e violin no ta simple-
mente un instrumento. El a
describi cu: "Amor ta manera
un violin. E musica por stop
de bes en cuando, pero e cu-
erdanan ta keda pa semper."
Segun Kirsten, e violin ta un
instrumento romantico y cla-
sico cu ta permiti hende ex-
presa emocion profundo.

Su experiencia na Porta
pa Harmonia a confirma cu
muziek ta pa tur persona.
Edad no ta un barera; lo im-
portante ta e deseo di siña y
crece. "Un instrumento no ta
mira bo edad. Si bo tin gana,
bo ta bonbini," el a expresa.

Porta pa Harmonia ta si-
gui sirbi como un espacio
caminda talento hoben por
desaroya, inspirando un ge-
neracion nobo di musico cu ta
bira ehempel di perseveran-
cia y amor pa arte.



Columna E Sembrado



Dialuna 2 maart. Di Dos siman di Cuaresma aña 2026
Ciclo A

Calendario Liturgico

Lectura: Daniel 9, 4-10;

Salmo: 79;

Evangelio: Lucas 6, 36-38;

**"Cu e midi cu boso midi otro hende, cu e
mesun midi ey Dios lo midi boso." Lucas 6, 38**

E pasashi di e Evangelio ta siña pa hiba un bida cu
misericordia, pordon y generosidad cu nos prohimo,
igual manera cu Dios tin misericordia cu nos tur. Esaki
semper ta e fundeshi pa un bida cristian, imita e com-
pasion y e amor di Dios. No husga y Dios lo no husga
bo. No ser un hues riba bida di otro, esey no ta
nifica cu abo mester bay di acuerdo cu pica, evita na
condena otro, paso no lubida cu solo ta sali pa husto
y pa pecador, ambos tin e mesun oportunidad pa are-
pentir su mes semper dilanti di Dios. Soporta otro man-
era Señor ta soporta nos. Pordona, yuda y sin husga
otro ta e componente indispensable pa ricibi compa-
sion, misericordia y pordon di Dios. Na e midi cu nos
ta husto y generoso, Dios lo colma nos cu abundancia
cu ta surpasa tur nos expectativa. Manera su palabra
mes ta bisa: "Un bon midi, un bon primi, bon sacudi,
cu basha over, lo cay den boso scochi." Lc 6,38.

Oracion: Señor yuda nos pone egoismo y benefician
propio un banda y di tin un curason dispuesto pa por-
dona esnan cu a peca cu Dios y contra nos. Amen.

Grupo Centro Pastoral Aruba

ASSOCIATED REALTORS

TERENO PA BENDE?

Bo tin pensa di vende bo tereno?
Eigendom of erfpacht. Anto laga
nos atende cu tur e tramitanan di
benta via notario.
Yama Mito na 593-6318
pa un presentacion.

NOS TA DRECHA

Frigidaire,
wasmachine, dryer,
airco, cooler.

Tel: 566-4366

GRATIS

Auto bieu den cura? Nos ta
pikje pornada. Airco y bateria
tambe. Frigidaire, stoof,
wasmachine, dryer etc. ta 25,-
p/un. Yama nos na 561-4297
of 561-5179. Arubiano balente.

General Contractor Gomez

Pa tur trabao den bouw.
Ta busca un representante.
Un truck pa chupa poz.
Uitzendbureau bo ta busca
trabao, bo mester hende pa
traha. 297 5677513 /
5999 6918806



FUNDACION VENERABLE

JOSE GREGORIO HERNANDEZ

TANKI LEENDERT 128



Dios ta amor...y amor ta Dios
Maske mi no ta na e mundo aki,
Tur dia lo mi ta cerca di boso curazon.

Mi ta stens di loka Señor ta haci.



Ta cumpli cu e tristo deber di anuncia fayecimento di
SRA. MARIA MAGDALENA ROJER-SIMILEER
NA BIDA NOS CONSEHERA SPIRITUAL PA
VARIOS AÑA

Nos ta invita tur nos miembro y devotonan pa asisit na e
acto di despedida cual lo tuma lugar **Diamars 3 di**
Maart 2026

TANTA IJA lo ta reposa di 1.30 pm pa 15.30 pm. na Pro
Cathedral San Francisco Oranjestad. Y despues ta sali pa
santana na misa di Noord

Nos ta manda palabranan di condolencia pa tur su famianan
TANTA IJA lo bo keda den nos oración

Lagrima y floran por seca pero bo Imagen,
Recuerdonan y locual bo a Significa
pa nos lo keda semper bibo den nos Memoria y pa
semper graba den nos Curazon

Comentario:

Homber cu comportacion bergonzoso cerca di Plaza Daniel Leo

Skirbi pa Mercedes Monge

Diamars mainta trempan, mi a mira un hende homber relativamente hoben, canando cerca di Plaza Daniel Leo, cu tabata grita hopi palabra mahos contra hende di edad grandi (adulto mayor), entre otro yama nan pa "kk bieu", cu e no kier topa na caya cu hende bieu cu mester keda cas sin sali, cu nan no ta sirbi pa nada, entre otro. El a hala mi atencion pasobra, casualmente, e tabata canando patras di mi, y mi mester a hala un banda lag'e pasa mi dilanti.

Tristo tabata cu na hal- tura di Plaza Daniel Leo tabata tin sinta banda di baki di mata, un par di meneer di tercer edad, tranquil, lesando corant, y a hisa nan cara pa wak ta ken ta insulta hende grandi asina mahos. Claramente por a mira cu of ta un adicto ambulante of un persona cu problema di salud mental. Kizas cu ambos. Na dado momento, e persona aki a acerca un mucha muher, mi ta asumi cu ta un turista, y a pidi'e placa. E damita a habri su tas y saca placa sigur pa e homber sigui su caminda bay, posiblemente el a haya su mes incomodo.

Despues e homber a cana bay atrobe den direccion papabao, bula ariba, bula abao, gritando riba caminda, manera hende cu su cabes no ta bon.

Mi no conoce e persona, pero mi a haya berguenza y pena cu tin hende cu ta biba di e manera aki. Pero tambe cu turistanan y nos mes, tin cu topa cu e mal bista aki, y sea e ta un adicto riba caya, y/

of cu problema di salud mental, e ta un hende cu mester di ayudo profesional pa su condicion, ademas cu un comportacion asina ta masha desagradable pa presencia. Autoridad concierne tin cu cuminsa haci algo pa evita e molester cu e per-

sonanan aki, den diferente ocasion, ta causa, pero tambe pa nan mesun bon, yuda nan rehabilita si esaki ainda ta posibel. Muy posibel, nan tin familia cu ta sufri e problema pero no tin of no ta busca ayudo necesario.

Aurora
Royal Prayer
Funeral Home & Crematory

Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

*Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa."*
Salmo: 23

Cu profundo dolor y tristeza na nos curazon pero conforme cu voluntad di Dios y agradecido pa tur locual ela nifica pa nos, nos ta participa fayecimento di:

**Sra. Leoncita Ceferina
Donata-Danies**
Mihor conoci como Chia,
*06-11-1936 - †23-02-2026
Vda. di dfm. Federico Mercelino
Donata



Su yuinan:
Franklin Donata
Vda. Vilma Marchena-Donata
Marlene Escobar-Donata y esposo Luis Escobar
Sherwin Donata y esposa Ingrid Donata-Franken
Nuera: Maria Ridderstaat
Yerno: dfm Charles (Boei) Marchena y yuinan y familia
Su nieta nan y nieto:
Vanessa Donata y Angelo Anthony, Charlene Marchena, Je-an Donata y Rensley Vrolijk, Vilencha Marchena y Jason Leest, Luigene Escobar
Su bisanieto nan y bisanieta:
Dayvin Willems, Kaedan Geerman, Geetesh Outar, Jayviënne Leest
Inmensamente agradecido na su ayudante nan:
Elsy, Cecilia, Madeleine, Karen, Charline
Y tur cu a duna un man pa su cuida
Su amistad nan di semper:
Maria Dijkhoff, Andrea Dirks, Denisia Kock-Dijkhoff, Corry Laclé, Astrid y Ronchi na Corsow, Nanita Marti na Corsow
Sobrina y sobrino nan y nan familia, Prima y primo nan y nan familia
Tur iha nan / esnan mas yega na dje: Elmira Colmenares, Meveline Danies, Maria Brete, Carmensita Danies, Nino Faro
Su comper y comer nan
Bon bisinanan: Brete y Dijkhoff
Demas bisinanan, familia y conocirnan, Tur cu a duna atencion durante su enfermedad
Inmensamente agradecido na su dokter di cas dr. M. van den Ham y su team di Cas di Dokter pa nan excelente atencion y servicio cu semper nan a brinda.

Ta invita pa acto di condolencia y entiero cu lo tuma lugar diamars 3 di maart 2026 di 2or pm - 4or pm na Aurora Funeral Home y despues pa Santana Catolico Pastoor Kraanwinkel na Paradera.

Nos disculpa si pa motibo di nos dolor y tristeza nos por a lubida di menciona un of otro familia.
Ta duel nos pero nos no por ricibi bishita di condolencia na cas.

Ta bai tin 3 Santo Sacrificio di Misa na Misa Santa Filomena na Paradera dia nan: **5 maart 2026 7or pm, 7 maart 2026 7or pm, 10 maart 2026 7or pm**

Despues di e ultimo Santo Sacrificio di Misa ta bay tin un Santo Rosario na cas Tanki Leendert 98-A.

Aurora
Royal Prayer
Funeral Home & Crematory

Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"
Salmo 33

**Maria Magdalena
Rojer-Simileer**

"Tante Ia, Ia"

*23 Juli 1932 - †26 Februari 2026
Ex-kleuter leidster Pinocchio
Speelschooltje
Ex-kleuter juffrouw Cayena
Kleuterschool y Imelda Kleuterschool
Eremedaille in Goud verbonden aan
de Orde van Oranje-Nassau



Na number di su

Esposo: Angel Francisco Rojer

Yuinan:

Stanley Rojer y Jennifer Livingston-Rojer
Gwendeline Rojer-van Trikt y Hugo van Trikt.
Jeannine Rojer-Bakhuis y Donald Bakhuis
Anthony Rojer y Joally Croes
+Marjorie Rojer-Sekula y +Jeffrey Sekula
Kathleen Rojer

Kenneth Rojer y Adeline Geerman

Nieto(a)nan:

Emily Rojer-Hurley y Drew Hurley
Jacob Rojer y Jennifer Thomas-Rojer
Madelene Rojer y Nathan Rieck
Clinton van Trikt y Natalie Marugg
Kiara van Trikt y Zerzinho Croes
Kendrick Bakhuis y Suhena Neuman
Derrick Bakhuis y Louisa Kluijver-Bakhuis
Megan Rojer
Tasha Rojer
Amara Rojer
Daxon Rojer
Caroline y Damon Sekula
Daniel Sekula
Kevin Rojer y Federika Sydow-Rojer
Keath Rojer y Marcela Kock
Nathan van der Linden

Bisanieto(a)nan:

Lewis Hurley
Owen Hurley
Skylar Rojer
Emma Bakhuis
Christian Bakhuis
James Sekula
Ava Sekula
Sophia Sekula
Mahor yuinan:
Miloushka Forero
Ana Flor Zapata Quandt
Veruschka Forero-Billups

Mayornan:

+Francisco Daniel Simileer y +Gloria Kelly-Simileer

Rumanio:

+Antonio Semeleer y +Jacoba Semeleer-Semeleer y yuinan
+Catharina Simileer-Tromp y +Esteban Tromp y yuinan
+Anacleto Simileer-Henriquez y +Pablo Henriquez
+Margarita Simileer y yuinan

+Hose Simileer

Demas familia:

Rojer, Semeleer, Semeleer, Simileer, Kelly, Tromp, Ridderstap,
Quandt, Plaza, Zijlstra, Martis, Christiaans, Britten, Eduardo, Duarte,
Figaroa, Faro, Flanegin

Ayudantenan:

Maria
Lilibeth
Yajaira
Aurelia
Belkys
Bon bisinanan di Flacciusstraat
Gruponan di Oracion y Coro.

Ta invita demas familia, bisinja, amigo- y conocirnan pa e acto di despedida cual lo tuma lugar ariba diamars 03 Maart 2026, 1:30 pa 3:30 di atardi na Pro-Cathedral San Francisco, Oranjestad y despues lo sali bai pa Santana Catolico Santa Anna, Noord.

Nos ta lamenta cu despues di entiero nos no por ricibi bishita di condolencia na cas

SUPER CARD SUPER DEALS



COMFORT CLASS

**Monday
Thursday**

8.00 AWG

**Friday
Sunday**

9.00 AWG

IMAX

10.00 AWG

11.00 AWG

VIP

11.00 AWG

12.00 AWG

**BEST CINEMA AT
THE BEST PRICES!**

Sign up today at any **The Movies location**
and **start enjoying great benefits!**

Luenne Gomez-Pieters ta splica:

Desde comienso di 2026 no tin

**discriminacion entre un expatriate cu a nace
afo y un expatriate cu a nace na Aruba**

ORANJESTAD (AAN): Director di Departamento di Impuesto señora Luenne Gomez-Pieters den un entrevista recien cu DIARIO a splica di Expatregeling enfatisando cu e regulacion aki, cu e beneficianan fiscal, awor ta conta tanto pa esnan cu a nace como pa esnan cu no a nace na Aruba.

Señora Gomez-Pieters a duna di conoce cu e expatregeling den principio tabata skirbi pa asina Aruba atrae expertonan, cu tabata biba afo y no a nace na Aruba, bin traha na Aruba cu nan conocimiento y experticio ora cu no tabata tin expertonan local. Un ehempel di esaki ta pa cierto posicionnan den e refinaria y den e sector hotelero.

E ley aki, recientemente a keda adapta pa asina esnan cu a nace na Aruba y a bay studia afo, tambe por haya e mesun beneficianan fiscal como un expatriate. Cu e ley aki, no tin discriminacion entre un expatriate cu a nace, y semper a studia y biba afo y un expatriate cu a nace na Aruba, bay studia afo y bin bek Aruba pa aplica su conocimiento y experticio. Pa esaki, e persona mester tin un minimal HBO opleiding y 5 aña di experiencia.



E proceso mester wordo inicia pa e doño di trabao y a base di e regulacion, tin un termino pa mantene su mes na dje. E mester entrega e peticion dentro di 4 luna despues cu e profesional a cuminsa traha. Esaki ta un derecho cu e profesionalnan tin y por haci un apelacion na nan doño di trabao pa ricibi e beneficianan fiscal, esta liber di impuesto.

“Tin hopi regulacionnan, leynan cu ta regla compensacionnan cu no ta carga impuesto. Tin hopi beneficio fiscal den e regulacion aki cu un doño di trabao por haci uzo di dje pa asina atrae un profesional bin Aruba pa traha den su negoshi”, Señora Gomez-Pieters a duna di conoce.



DIARANSON
4 DI MAART 2026
7 PM • FACEBOOK HOH

**TOPICO CUIDO BABY
PREMATURO**

INVITADO
WICHA WEVER
Pediatra



**VALUE
YOU'LL
LOVE!**

ONLY AT AMC UNICON!

**GREAT
DEALS**

& HUGE SAVINGS!

SHOP TODAY & GET
**UP TO 2 FREE
INSTALLMENTS!**
PLUS FREE DELIVERY
FOR CREDIT CUSTOMERS!

Promotion Ends February 28th, 2026.

Conditions Apply.



Save AWG201

MEMORY
16GB
STORAGE
512GB
OS
WIN 11
AMD
RYZEN

ACER
ASPIRE 3 15.6"
LAPTOP
AL1543PR4A7E
**NOW
AWG1299**
WAS AWG1499.99



Save AWG201

MEMORY
8GB
STORAGE
512GB
OS
WIN 11

ACER
15.6" LAPTOP
AL1533P386KE

**NOW
AWG999**
WAS AWG1199.99



Save AWG401

OS
WIN 11
Intel
CORE i3

HP
14" LAPTOP
14-DY2001LA

**NOW
AWG1199**
WAS AWG1599.99



Save AWG301

SAMSUNG
10.9" GALAXY TAB
SM-X510NZAETPA

**NOW
AWG999**
WAS AWG1299.99



Save AWG31

RADIOSHACK
BLUETOOTH SPEAKER
20W IPX5
4001783

**NOW
AWG119**
WAS AWG149.99



569-2407
AMC EAGLE
MEGASTORE

568-9070
AMC
SAN NICOLAAS

HORARIO: 9AM - 6PM
DIALUNA PA DIASABRA



Universidad di Aruba a honra diferente hubilario



ORANJESTAD (AAN): Recientemente a tene un brindis special den aula di Universidad di Aruba, unda nan a dicidi na honra tur e personal cu tin varios aña trahando na e centro di educacion aki.

Tur hende tabata presente, ora cu a tende con Universidad ta celebra nan dedicacion, nan fieldad, y impacto cu nan ta haci riba tur persona, incluyendo studiantenan.

Cada uno a ser gradici pa nan añanan di servicio, y principalmente pa tur cos cu nan ta sigui haci y contribui pa e comunidad di Universidad di Aruba.

Claro a haya chens di saca potret hunto y memoriza asina e momento unico aki. Palabra di pabien na cada persona cu nan aniversario.